

تورکیه

قانون اساسی

ضابطه مجرای

طقساتنجی اجتماع

۳۱ مارت ۱۳۴۱ صالی

مندرجات

صفیحه	مضمون	صفیحه	مضمون
۳۵۰	وگالتدن مورود $\frac{۱}{۵۵۲,۵۵۱,۱۵۵}$ نورولوقانون لایحه لری	۱	ضبط سابقه مخصوصی
۳۵۱	و خارجیہ انجمننک اوج قطعہ مضبطہ سی	۲	اوراق وارده :
۳۵۲	۵ — استانبول جہتی ہواغازی شرکتہ حائداوراکک جالب و تدقیق حقندہ کوشخانہ مبعوثی ذکی بکک $\frac{۴}{۳۳۶}$ نورولی تقریری و نافعہ انجمنی مضبطہ سی	مضبطلر	
۳۵۱	۶ — طاش اوجاقلری نظامنامہ سنہ توفیقا حریاتی مقتضی معاملاک طرز اجراسی حقندہ باش وگالتدن مورود $\frac{۱}{۳۵۸}$ نورولی قانون لایحہ سی و تجارت انجمنی مضبطہ سی	۱	دیوان حربلردن صادر اولان اعدام حکملرینک صورت انفاذی حقندہ برقرار تفسیری اتخاذینہ دائر باش وگالتدن مورود $\frac{۳}{۳۳۹}$ نورولی تذکرہ وعدلیہ انجمنی مضبطہ سی
۳۵۲	۷ — ولایات نمونہ فدانلقرندہ یتشدیریلن مشمر وغیر مشمر فدانلرک لزومندہ مجاناً توزیعی حقندہ باش وگالتدن مورود $\frac{۱}{۳۳۱}$ نورولی قانون لایحہ سی و زراعت انجمنی مضبطہ سی	۲	بوردورک بل اوکی ناحیہ سی داخانندہ کی اہالی یہ تفویض اولنان چفتلکات بدلاتنک عفوی حقندہ بوردور مبعوثی حسین باقی بکک $\frac{۲}{۴۶۳}$ نورولی تکلیف قانونیسی وشایان مذاکرہ اولدیغنه دائر لایحہ انجمنی مضبطہ سی
۳۵۲	۸ — ۲۸ شباط ۱۳۴۰ تاریخی تدریسات ابتدائیہ قانوننک تفسیری حقندہ غازی عینتاب مبعوثی احمد رمزی بک ورفقاس $\frac{۴}{۳۳}$ نورولی تقریری ایلہ عینی قانونک برنجی مادہ سنک تعدیلنہ دائر قسطمون مبعوثی خالد بکک $\frac{۲}{۳۳}$ نورولی تکلیف قانونیسی و داخلیہ انجمنی مضبطہ سی	۳	اصول حقوقیہ و اصول محاکمات جزائیہ قانونلری صلح واجرا قانونلرینک بعض موادینی معادل قانونک سکسان اوچنجی مادہ سنہ بر فقرہ تبدیلی حقندہ بوزاق مبعوثی احمد جدی بکک $\frac{۲}{۴۶۱}$ نورولو تکلیف قانونیسی وشایان مذاکرہ اولدیغنه دائر لایحہ انجمنی مضبطہ سی
۳۵۲	تذکرہ ل	۴	تورکیہ جہورتی ایلہ آرنالوقدلق حکومتی آراسنندہ عقد وامضا ایڈلن مخادنت معاهدہ نامہ سیلہ اقامت مقاولہ نامہ سی و تابعیت اثتلاف نامہ سی حقندہ باش
	۹ — جہورینک اعلانہ مصادفہ ۲۹ تشرین اول		

صفحہ

۳۵۲

دائر تجارت و کیلی علی جنائی بکک تقریری
انتخابات

۱۲ — منحل بولنان دیوان ریاست کابلیکی انتخابی ۳۵۲، ۳۷۶

۳۵۳

۳ — مذاکرہ اہمیلوں مواد :

۱ — دیوان حربلردن صادر اولان اہدام
حکملرینک صورت افغادی حقندہ برقرار تفسیری
اتحادینہ دائر باش وکالتدن مورود ۳۹۹ نومرولی تذکرہ
وعدلیہ انجمنی مضبطہسی

۳۷۶، ۳۷۷، ۳۵۳

صفحہ

۳۵۲

گونک ملی بارام ہدی حقندہ کی قانون لایحہ سنک تسریع
انتاجی حقندہ باش وکالت تذکرہسی
تقریرلر

۱۰ — دیوان محاسبات ریاستنک یکی بردیوان
محاسبات قانونی لایحہسی حاضر لامہسی حقندہ اسپارطہ
مبعوثی مکرم بک واون دزت رفیقنک تقریری

۳۵۲

۱۱ — طاش اوچاقلرینک ادارہ خصوصیلرہ
ترکنہ و ممدن نظامنامہ سنک دزت مادہ سنک تعدیلہ
دائر اولان لایحہ قانونی نک مستعجلآ و ترجیحاً مذاکرہ سنہ

برنجی جلسہ

برائے مذاکرات

دقیقہ ساعت

۱۰

۲

[رئیس — کاظم پاشا]

کاتبلر : حق بک (وان) ، طلعت بک (کنغری)

۱ - ضبط سابق خلاصہسی

رئیس — جلسہسی آچبورم افندم ، ضبط سابق خلاصہسی اوقونہ جقدر :

سکسان طقوزنجی اجتماع

۳۰ مارت ۱۳۴۱ بازار ایرتسی

برنجی جلسہ

کاظم پاشانک تحت ریاستلرنده بالانعقاد ضبط سابق
خلاصہسی قرائت و عیناً قبول و اوراق وارده عائد اولدقلری
مخللرہ حوالہ ایدلدی .

شکر فابریقہ لرینک تأسسنی تشویقہ دائر اولان قانون
لایحہ سنک مستعجلآ و ترجیحاً مذاکرہسی قبول اولوندی .

ارکنہ و ایدیسندنہ کی بطاقلقک تییبسی حقندہ نافعہ
انجمنی مضبطہسی قرائت و قبول ایدلدی . ارتجاع حرکاتنک

رد و تقییبی حقندہ قاش قضا سندن مورود تلغرافنامہ ایله ،
توتونک باندزول اصولیلہ اداره سنہ دائر ویریلن قراردن

طولایی استانبول تجارت و صنایع اوطہسی ریاستندن وملی
تورک تجارت برلکی ہیئت اداره سندن مورود تشکری

متضمن تلغرافنامہ لره دیوان ریاستجه ایجاب ایدن جوابلرک

اعطاسی تنسیب اولوندی . یانیق یرلرک اعماری ایچون

بربانقہ تشکیلنه دائر لایحہ قانونیہ نک مستعجلآ مذاکرہ
وانتاجی ایچون اوچ انجمندن منتخب برانجمن مخصوص

تشکیلی حقندہ از میر مبعوثی مصطفی نجاتی بکک
تقریری قرائت و قبول اولوندقدن صوکرہ سیرسفتان ،

اوکسوز یوردلری ، اوقاف و دیمیر یوللری مدیریت
عمومیہ لری آوانس قانونلری تعیین اسامی ایله رأیہ وضع

ایدلدی . ارکلی ایله زونقولداق آرہ سندن شمند و فرانشا
ایدلمہسی آساینه دائر زونقولداق مبعوثی طونہلی حللی

بکک سؤالنه تجارت و کیلی علی جنائی بک طرفندن ویریلن
جواب استماع اولوندی .

قرہسی مبعوثی وھی بکک تقریری اوزرینہ مستعجلیتلہ
و بودجهیه ترجیحاً مذاکرہسی قبول اولونان زراعت

تعطیل اولوندی .

ایکینجی جلسہ

کاظم پاشا طرفندن کشاد ایدیله رک برنجی جلسہ ده رایه قونان درت قانون لایحه سنک اکثریتله قبول ایدلدیکی تبلیغ ایدلدی .

واردات بودجه سنک مذاکره سنه دوامله طبقوز فصلک عیناً درت فصلک تعدیلاً مذاکره سی ختام بوله رق صالی کونی اجتماع ایدلمک اوزره جلسہ تعطیل اولوندی .

رئیس - ضبط سابق خلاصه سی حقنده بر مطالعه واری افندم؟ (خایر سساری) ضبط سابق عیناً قبول اولوندی .

۲ - اوراق وارده

فقویمه اولناه مفصلطت برلانتک عنفوی حقنده بوردرر مبعوثی حسین باقی بکک ۲/۳۶۶ نومردلی تکلیف قانونیسی و سالیانه مذاکره اولدیغه دأر لایحه انجمنی مضبطه سی قوانین و موازنه مالیه انجمنلرینه حواله ایدیوروز .

۳ - اصول حقوقیه و اصول محاکمات جزائیہ قانون - ندر بر صلح و اجراء قانونلرینک بعضه موادینی معدل قانونک ۸۳ نجی ماده سنه بر فتره تبدیلی حقنده بوز ارون مبعوثی احمد صمدی بکک ۲/۳۶۱ نومردلی تکلیف قانونیسی و سالیانه مذاکره اولدیغه دأر لایحه انجمنی مضبطه سی عدلیه انجمنه ،

۴ - تورکیه جمهوریتی - ایلد آرنا و اولر مگومنی آره سنه عقد راضا ابریلن تحادنت معاهده نامر سید اقامت مقاولانامر سی و تابعیت ایشرفنامر سی حقنده باسه و طالتدره مورود ۵۰۰,۰۰۱,۰۰۲ نومردلو قانونه لایحه لری و غارجه انجمننک ارج قطع مضبطه سی وار . حکومت طرفندن ترجیحاً و مستعجلاً مذاکره سی تکلیف ایدلمکده در .

افندم ! ترجیحاً مذاکره سی قبول ایدلدیکی تقدیرده بودجه نك خارجنده تخصیص ایدیله جک کونده ، ترجیحاً

مکتبیری مأذونلرینک خدمت مقصوده یه تابع اولسی حقنده کی لایحه قانونیه مذاکره و عیناً قبول ایدلدی .

بالاخره بودجه مذاکره سنه کچیله رک معارف ، ژاندارمه ، مدافعه ملیه ، بحریه بودجه لری قادرولرنده تصحیحات و مدافعه ملیه ، نافعہ ، داخلیه ، معارف بودجه لرنده تعدیلات اجرا ایدلدی . مالیه بودجه سنک ۴۱ نجی فصلنک ایکینجی ماده سنک عنوانی تبدیل و رسومات بودجه سنه ۱۰۹ فصلی نامی آکنده یوز بیک لیرا ضم اجراسی قبول ایدلدی . واردات بودجه سنک مذاکره سنه ابتدارله برنجی و اوچنجی فصللرک تعدیلاً و ایکینجی فصلک عیناً مذاکره سی کافی کورلدی و تنفس ایچون جاسه

مضبطه لر

۱ - دیوانه صر بلر دره صادر اولره اعرام حکیم لرینک صورت انفاذی حقنده برقرار تفسیری انفاذینه دأر باسه و طالتدره مورود ۳۹۹ نومردلی تذکره و عدلیه انجمنی مضبطه سی مدافعه ملیه و کیلی رجب بک (کوتاهیه) - افندم ! طبع و توزیع ایدلمش اولان بولایحه نك مطالعه سنندنده آکلاشیله جنی وجهله ، بوقانون لایحه سبله طلب ایدیلن احتیاج موجوددر . وضعیتک بوقانونک تأخیر مذاکره سنه تحملی بوقدر ، انجمنجه اساساً تقدیماً و ترجیحاً مذاکره سی قبول اولمشدر . بنده کزده حکومت نامنه بوکون تقدیماً و ترجیحاً مذاکره سنه تکلیف ایدیورم . بوکونکی روزنامه نك باشنده بو مسئله نك اناجنی رجا ایدیورم (موافق سساری) .

رفیق بک (قونیه) - انجمنده ترجیحاً و تقدیماً مذاکره سی تکلیف ایشدر افندم .

رئیس - افندم ! بوقانونک مستعجلاً مذاکره سی (تقدیماً و ترجیحاً و همان سساری) بوکون مستعجلاً ، یعنی بوکون روزنامه نك باش طرفنده مذاکره سی تکلیف اولتیور . قبول ایدنار لطفاً ال قالدیرسون ! قبول ایتمه یئر لطفاً ال قالدیرسون ! قبول ایدمشدر افندم .

۲ - بوردرورک بل ارکی نامه سی دایمشدره کی اهالی به

قالديرسون! قبول ايتمهينلر لطفاً ال قالديرسون! قبول ايدلمشدر.

مختار بك (طرزون) — غير مستعجل اولميايى قالمادى.

۷ — ولايات نمونه فراملقلمنده بيشربيلمه مئمر وغير مئمر فراملرك لزومنده بجاناً توزيحي حقنمه باسه وطلانده مورد $\frac{1}{331}$ نومرولو قانونه لايحهسى و زراعت انجمنى مضبطهسى روزنامه به آيورز.

۸ — ۲۸ شباط ۱۳۴۰ تاريخى تدرسات ابتدائيه قانونك تفسيرى حقنمه غازى عينتاب مبعوثى احمد رمزى بك در فغانك $\frac{1}{333}$ نومرولى تفسيرى ايله عيىنى قانونك برنجى ماده سنك تعريلمه دائر قسطنطينى مبعوثى خالدر بك $\frac{1}{336}$ نومرولى تكليف قانونيسى و در اضليه انجمنى مضبطهسى افندم! انجمن طرفندن بونك مستعجليتله مذا كره سى. تكليف ايدلمكده در. قبول ايدنلر لطفاً ال قالديرسون! قبول ايتمهينلر لطفاً ال قالديرسون! مستعجليتله مذا كره سى قبول ايدنشددر.

تذ كره لر

۹ — جمهوريتك اعلامنه مصادف ۲۹ شبربه اول كونك مى بايرام عدى حقنمه كى قانونه لايحه سنك تسريع اتناضه دائر باسه و طالت تذكره سى، قانون اساسى انجمنه،

نهر يزلر

۱۰ — ديوانه محاسبات رياستنك يكي بر ديوانه محاسبات قانونى لايحه سى حاضر لاسى حقنمه اسيار ط مبعوثى مكرم بك داونه درت ريفقنك تفسيرى ديوان محاسبات رياسته تبليغ ايدىورز. انتخابات

۱۲ — منحل بولنايه ديوانه رياست لائىكى انتخابى رئيس — افندم! ديوان كاتبلدكندن استعفا ايدن بوزاق مبعوثى عونى بكك يرينه ديكر بر ديوان كاتى

مذا كره ايديله جك قانونلر صره سنه قونيلوب مذا كره ايديله جكدر. بناءً عليه بو تكليفى را يكرزه عرض ايدىيورم. قبول ايدنلر لطفاً الليرنى قالديرسون! قبول ايتمهينلر لطفاً ال قالديرسون! قبول اولونمشدر افندم.

۵ — استانبول مهرى هوا غازى شركته عامه اورا قك ملب و ترقيفى حقنمه كوشنايه مبعوثى زكى بكك $\frac{1}{336}$ نومرولى تفسيرى و نافع انجمنى مضبطهسى واردر، روزنامه به آيورز.

نافعه و كيلي سليمان سرى بك (استانبول) — افندم! بو مملكه ك اعمارينه عائد بر مسئله در بونك حقنمه بر جوق ديدى قودى واردر. بناءً عليه رجا ايدهرم بونك مستعجليتله مذا كره سنه قرار و يرلسون.

رئيس — افندم! بو مضبطه نك مستعجليتله مذا كره سى تكليف ايدلمكده در. مستعجليتله مذا كره سى قبول ايدنلر لطفاً ال قالديرسون! قبول ايتمهينلر لطفاً ال قالديرسون! مستعجليتله مذا كره سى قبول ايدلمشدر افندم. مستعجل روزنامه به آندى.

۶ — طاسه ارباقبرى نظامنامه سنه توفيقاً مبريايى مقتضى معاملاتك طرز اجراسى حقنمه باسه وطلانده مورد $\frac{1}{358}$ نومرولى قانونه لايحه سى و تجارت انجمنى مضبطه سى واردر، روزنامه به آيورز.

تجارت و كيلي بكك بر تفسيرى واردر، اوقونه جقدر: رياست اجليليه

۱۱ — طاسه ارباقبرى نك اداره خصوصيه نكده و معدنه نظامنامه سنك درت ماده سنك تعريلمه دائر اولوب تجارت انجمنى ترقيو و هيئت جليليه عرصه اولنايه لايحه قانونيه نك مستعجلا و ترجوا مذا كره سى هيئت جليليه نعى ايلرم.

تجارت و كيلي على جنابى رئيس — افندم! بولا يحه قانونيه نك مستعجليتله مذا كره سى تكليف ايدلمكده در. قبول ايدنلر لطفاً ال

استعمال ایتھین ذوات لطفاً رایلرینی استعمال ایتھین .
افندم ! بوکون مذا کرہ سنہ قرار ویردیکنز قانون
لایجھ سنک مذا کرہ سنہ کیپوزر .

انتخاب ایدیلہ جکدر . اسمبلر صرہ سیلہ او قونہ جقدر .
هرکس رایلرینی استعمال بیورسون ! (آرتوین دائرہ
انتخابیہ سندن انتخابانہ باشلانیدی) افندم ! هنوز رایلرینی

۳ - مذا کرہ ایدیلن مواد

مجلس عالیکنزک تصدیق عالیسنہ اقتران ایدن واکثریتلہ
اتخاذ ایدلمش اولان مقرراتی شمدیکی عصیان ساحہ سنده
کندیسنہ مساعد بر صورتلہ تدبیر اولمق اوزره کورمش
اولدینی شی اولجہ قبول ایتمش اولدیغمز تقریر سکون
قانونی ایدی و مجلس عالیکنز اورایہ تخصیصاً کوندرمش
اولدینی استقلال محکمہ سنده صرف کندیسنہ عائد اولان
برحقک ، اعدام حقنک اوراذه کی آرقاداشلری واسطہ سیلہ
استعلامہ ، استیذانه محل قالہ یه رقا اجرا ایدلمسی حقنی ده
ویرمشدی . شمدی آرقداشلر ! کوریلور کبواتخاذ ایدلمش
اولان تدبیر کافی دلکش . دیوان حر برلردن صادر اولان
مقرراتک قول اردو قوماندانلری طرفندن رأساً و محللر نده کی
مشاور عسکریلر طرفندن تصدیق ایدلدکن صکرہ
تفزیذینک بر تدبیر اولارق آلماسی ضرورتی وارمش .
شوخالده اتخاذ اولنان تدابیرده نقصان واردر . اورته بردن
بر آبی متجاوز بر زمان کچمش هیچ بر اجراءات کوریلہ مہمش
و کوستریلہ مہمش دیمکدر . حکومت نام و حسابنہ هر حالده
چوق ای برنوط اولماق کر کدر . بوراذه کچہ چک
اولان هر هانکی بر قوت کنندی قارشوسننده معین
بر حادثہ وارسہ اوحادثہ اطرافنده اتخاذ ایدہ چکی
تدابیری بردن و کلیاً یامسی لازمدر . عکس حالده
حادثہ نک اختلاطانندن ، عمومیلشمہ سندن و نقصانی
تدبیردن دولایی تاریخ مواجہہ سنده ، اکثریت مواجہہ سنده ،
ملت مواجہہ سنده مسئولیتدن تبری ایدہ مامسی لازم کلیر .
آرقداشلر ! بوراذه بر آرزده کچن سنہ منسوب اولدیغی
عدلیہ انجمنہ بونی ناصل تالیف ایتدیگرینی آکلتمالرینی
رجا ایدہ چکم . المزدہ مضبطہ دیہ بولونان شو مضبطہ
تشکیلات اساسیہ قانوننک حقوق حکمرانیدن معدود
اولان اعدام جزاسنی بر تفسیر کلمسی آلتندہ دیوان حر بلرہ
ویربور . فقط بسم ایلہ برابر بردفعہ دہا تدقیق بو یورہ جق

۱ - دیوانہ حر برلردنہ صادر اولده اعدام محکمہ برنک
صورت انفازی مقننہ بر قرار تفسیری اتخاذینہ دائرہ باسمہ
و طالتدہ موردر ۳۹۹ نومردی مذکرہ ر عدلیہ انجمنی
مضبطہ سی : [۱]

رئیس - افندم ! قانونک ہیئت عمومیه سی حقنہ
سوز ایستینلر عابدین بک ، فریدون فکری بک ، بسیم
بک ، اکرم بک .

عابدین بک (صاروخان) - محترم آرقداشلر !
اولا مجلس عالیکنک کچن سنہ مارت ابتداسنده تشکیلات
اساسیہ قانونی یابارکن کوسترمش اولدینی بو یوک برحالت
روحیہ بی خاطر لاتقدنصکرہ ، شمدی مذا کرہ سنہ
باشلامش اولدیغمز شو تکلیف قانونیہ کی اہمیتہ اشارت
ایتکلکمہ مساعده بیوریکیز . استقلال و ظفر ایچون
حرہ آتیلان تورک ملتک ، برنجی بو یوک ملت مجلسنک
شعاری ، ظفر و استقلالی تأمین ایدی . ایکنجی بو یوک
ملت مجلسنک شعاری ، کچن سنہ و بوسنہ قبول ایتمش
اولدینی اہمیتی قانونلر ایلہ ، اک بو یوک وصف اولارق
کندیسنہ قبول ایتمش اولدینی شعار ، انقلابچیلق شعاریدر .
فقط آرقداشلر ! بو وصفلر آراسننده ، کرک حکومتک
تکلیفندہ کرک انجمنک تکلیفندہ ، ضوک ارتجاعکار
حرکاتک قارشوسنندہ مهم بر ضرورتدن متولد دیہ بر
تکلیف قانونی ایلہ ، کچن سنہ اوزون و مجادلہ لی مذا -
کرہ لری خاطر لانان و تماماً حقوق حکمرانیدن معدود
بولنان و تشکیلات اساسیہ قانونیہ تثبیت ایدلمش بولونان
حقوق حکمرانیدن اولان برحقک شوویا بوقوماندانلرہ
ویرلمسی بوقانونلہ تکلیف اولونیور . آرقداشلر ! خاطر -
لرسکنز کہ عدالت مفہومی ایچندہ شدتک مندج بولندیغی
کافی کورمیرک اجراءانہ باشلایان حکومت حاضرہ بوتون
[۱] اشبولایح . مضبط جریده سنک نہایتنہ مر بو طدر .

اولورسه کز کوریرسکزر که تفسیر دکل ، تماماً وکاملاً تعدیلدر . مضبوطده دیورلر که تفسیر مهم ومعانی متعدده به حملی قابل اولان عبارات قانونیه نک تعیین معناسی دیمکدر . صوکره بوتفسیر دولایسیله کچن سنه تعدیل آتجق مجلس عالیکزک نشان اکثریت آراسیله حاصل اولاجق اولان ۸۶ نجی ماده سنک تفسیری دیورلر وتفسیر ایتدکاری فقره بی انطاق حق قیلندن بورایه درج ایدیورلر . اداره عریفه منطقه سیله بومنطقه داخلنده اجرا وتطبیق اولنه جق احکام ومعاملاتک صورت اجراسی .

بوققره بیتدکدن صکره (و) دییه باشلایور ؛ حرب حالتنده دخی مصونیت وحریترک طرز تقید وتعیاقی قانونله تثبیت اولنور ، دیور .

صکره آرقداشدر برده ماده به باقیکر :

ماده ۱ — حال حربده یاخود مسلحاً و مجتماً عصیان وقوعنده ساحه حرکات وعصیانده کی اداره عرفیه منطقه لرنده متشکل دییه باشلایور . یعنی انجمن ؛ ماده قانونیهده حال حربی بشقه ، حال عصیانی بشقه عدایدیور . حریت مفهومترینک طرز تقیدندن بحث ایدن ۸۶ نجی ماده ایسه منحصرأ بالکزر حال حربدن باشلایور . بوناری ناصل تألیف ایتمشلردر آکلایه میورم . آرقداشدر ! مجلس عالیکزک وصف شعاری ؛ انقلابجلیق اریلق اوزره اشارت ایتش ایدم . بر حادثه بی کوزوشلرده بر رجل دولت دییه کوروش واردر ، برده رجل انقلاب دییه کوروش واردر . رجل دولت دییه کوروش ؛ معین حادثه اطرافنده تشخیصدن صکره اتخاذ قراردر و آنجق بر حادثه نک تسکین و اوتهلکه نک رفع وازاله سی ایچوندر که مسئولیت متقابله مشترکدر . انقلاب ایسه ، انقلابجلیق ایسه ؛ دوعربدن دوعری به وضع ایتش اولدینی پرنسیب و اساساتی ملته عطف ایدوب هضم ایدوب و او انقلابلر ایچریسنده هیچ برطرفه ، صاعلق ، صوللق ، دارلق ، کنیشلک ایتیه رک منفرداً ومستقلاً ومستمرأ یوروه بیلمکدر .

بجریه وکیلی احسان بک (جبل برکت) — برآز

توضیح بیورسه کز ، بنده کز آکلایه میورم .
عابدین بک (دوامله) — آکلارسکزر . جوق مهم وهیجزک قانلری سوه سوه فدایه مجبور اولدیغمز هر هانکی بر تهلکه قارشوسنده اکثریت واقلیتک هیچ بریسنکده عفو ایتیه جک قدر خصمی اولدیغمز ی قبول ایتدی کمز ارتجاعدر . و او کاستناد ایدیه جک اولان غیرطبیعی وضعیتلر قارشوسنده ملتک حقوقی دوشونور کن اتخاذ ایتش اولدق لری مقررات ؛ کرک تشکیلات اساسیه قانوننده کرک جمهوریتک اعلاننده ، کرک خلافتک الفاسنده ، کرک مدرسه لریک الفاسنده بتون بوشعارله مجلس عالی نک بر هدف قارشوسنده معین محراق اطرافنده انقلابجلیق روحیله حرکتیدر . بوراده بوانقلابجلیق نامی آلتنده بولنه جق اولان حقلرک انقلابجلیق نقطه نظرندن هیچ بر وجهله ، هیچ بر ضرورته فراغ وتجزی قبول ایتیه جک صورتده هیچ بر طرفه ویرلامسنی تثبیت ایتشدک . ایتسه آرقداشدر ؛ کچن سنه خاطر لاتدیغ تشکیلات اساسیه قانونسک مارتده کی صفحاتی بونلردن عبارتدر . اورته برده اقسام وطنک ، حدود وطنک برقسمنده یانغین کوریلور ، شیخ نامی آلتنده بر جوق اولاد وطنی خیرپالایان پارچالایان سرسریلر ، چبول چتسی واردر . بوناری ازه جکزر ، تهلیه جکزر ، حقمزدر (ناصل بسلری) . چاره سی بوغمقدر .

رفیق بک (قونیه) — کرسیدن سوبله مکله می ؟

عابدین بک (صاروخان) دوامله — بالفعل حرکت ایتیکله . بالفعل ساحه تطبیقاته کچمکه یو واردده بولنجه ایدم فصل حرکت ایدم جکمی کوستیردم .

رفیق بک (قونیه) — فرق قالمدی عابدین بک ، برابرز .

عابدین بک (صاروخان) دوامله — فقط آرقداشدر ! بویه بر حادثه قارشوسنده ، تشکیلات اساسیه قانونی تعدیل ایتهدن یالکزر بر تفسیر یولیه ایشک اوزرینه وارمق خطادر . تهلکه در . انقلابجلیق نامنه بویوک وعظیم تهلکه در . وقعهمی ایستورسکزر ، مثالی ایستورسکزر ؛ تاریخ اساه سیمزدن ، سائر ملتک تاریخ اساسیسندن ایسته دیککزر

عنوانی آئنده افاده ایدیلن بر طاقم حقوق موجود در که بونلر نه اجرا صلاحیتنه، نه تشریح صلاحیتنه و نه ده قضا صلاحیتنه قیاس ایدیله بیلیر. حقوق حکمرانی، تشریح نائی قرارنده صریح صورتده استعمال اولمشدر. حقوق حکمرانی تعبیر، اوراده موجوددر. حق حاکمیت و حکمرانی تعبیری اوراده موجود اولدینی کبی، ۳۳۴ نومرولو قانونده عین صورتده حقوق حکمرانی تعبیرنه تامیله تصادف اولنه بیلیر و هر ایکی بردهده مجلس عالیجه حقوق حکمرانینک موجودیتی اساسی تثبیت ایدلش بولندینی کوریلیر.

طونه لی حلمی بك (زونغولداق) — هانیا سن قانونلرده نومرولو قبول ایدلر دینوردك یا ؟

فریدون فکری بك (دوامله) — دیمک اولیور که بزم تشکیلات اساسیه قانونمز، اجرا، تشریح، قضا صلاحیتلری قبول ایتکه برابر برده حقوق حکمرانی عنوان عمومیهسی آئنده بر طاقم اساسلر قبول ایتشد. حقوق حکمرانی ندر؟ حقوق حکمرانی دوغریدن دوغری به، مملکتده ملتک حاکمیتی هیچ کیمسه به فراغ ایتهدن استعمال ایدیلیمک قدرت و قوتیدر. حکومت مستبدهده حقوق حکمرانی حکمدارک نفسنده. تجلی ایدر. حقوق حکمرانی بعضی مملکتلرده رئیس جمهور طرفندن استعمال اولنور. فقط بعضی مملکتلرده دوغریدن دوغری به اسویچرده و تورکیهده اولدینی کبی ملت مجلسنک شخصیت معنویه سنده تجلی ایدر. بناء علیه حقوق حکمرانی به نظر ایدلدیکی زمان بونی اجرا صلاحیتندن، قضا صلاحیتندن تماماً آیری اوله رق مطالعه ایتک لازمدر. تشکیلات اساسیه قانونمزک ۲۶ نجی ماده سی حقوق تشریحیه ایله حقوق حکمرانی بی مجتمعا افاده ایتکه در. تشکیلات اساسیه قانونمزک ۲۶ نجی ماده سنده «قوانینک وضعی، تعدیلی، تفسیری، فسخ و الغای» دیه محرر اولان حقوق، تشریح صلاحیتنه تعلق ایدن حقوقدن عبارتدر. آنجق بونی تعقیب ایدن حقوقک جمله سی حقوق حکمرانیدر که بونلری اجرا هیئته هیئت جلیله کنر

قدرجانی و حقیقی صفحهلر واردر. بوحادثه شدتله تسکین اولنه جقدر. تطبیق اولونمش اولان تفریر سکون قانونندن بری شمده به قدر بر آی کچمشدر. هانکی مجلس وهانکی آرقداشمز قبول ایتکه اون کون، بش کون سوکره بو حق، بو مجلس طرفندن تشکیلات اساسیه نک تعدیلی شکلنده ویرلسون. بویله بر حجت وارمی؟ یوقده آرقداشلر، شوخالده استعجاله سبب ندر؟

روشن اشرف بك (قره حصار صاحب) — وضعیتک ایجابیدر (مسئله مهم و مستعجلدر، دوام سلسلری). رئیس — افندم! سکوت ایدر سه کزدهالی آکلار سکیز. روشن اشرف بك — افندم! بزمدا کره ایدر کن عاصیلر بکه میور که.

رئیس — افندم! سوز سویله مک خطیبک حقیدر، دیکله یکنز.

عابدین بك (دوامله) — بوتون بوسلسله معروضاتمک نتیجه طبیعیه سنه وارمق لازم کلیرسه شونتیجه تحق ایدر: انقلابی مجلسمز، انقلاب دستورلرندن انحرافه هیچ بر زمان میل ایتمه لیدر. دولتجیلک نقطه نظرندن تحدث ایدر جک تدابیر ضروریه،ینه اداری شیرله، معین شکلرله، بولرله حل ایدیله جکدر. شوخالده مضبطه رداولونمالیدر. بو تکلیف تشکیلات اساسیه بی تعدیل شکلنده کلیدر، مناقشه اولونمالیدر، قبول ایدیلیدر. بوندن قورقولمالیدر. برسس — عاصیلرله متارکه یا پمانی شوخالده.

فریدون فکری بك (درسم) — محترم آرقداشلر! تشکیلات اساسیه قانونمزک دردننجی ماده سنده (تورکیه بونوک ملت مجلسی، ملتک یکانه و حقیقی ممثلی اولوب ملت نامنه حق حاکمیتی استعمال ایدر). دیه محرر بولونقمده در (آنا سلسلری). محترم آرقداشلر!ینه تشکیلات اساسیه قانونمزک بشنجی ماده سی: تشریح صلاحیتی، دینجی ماده سنده اجرا صلاحیتی دیکر ماده سندهده قضا صلاحیتی دیه رکدن اوج صلاحیت قبول ایله مشدر. فقط بو صلاحیتلرک جمله سنه متوقف اولمق اوزره بالذات دوغریدن دوغری به هر مملکتده (حقوق حکمرانی)

افندیلر! کوریورسکز که تشکیلات اساسیه قانونمز (حقوق) تعیرینی بیله استعمال ایتمه مشدر. (وظیفه) تعیرینی استعمال ایتمشدر. دیگر حقوق موضوع بحث اولورکن (صلاحیت) تعیری استعمال ایدلدیکی حالده بوراده هیئت جلیله کز کندیسنه بروظیفه توجیه ایتمشدر. اوله بر وظیفه که هیچ بر صورتله، هیچ بروجهله آخر بر هیئته، آخر بر تشکیلاته قابل فراغ دکلدرد. تشکیلات اساسیه قانوننک هیئت جلیله کز طرفندن ایلمش اولسی هیچ بروجهله اونک ماهیتی باشقه بر شکلده کوستره مز. کرچه اثر هیئت جلیله کزک وضع ایتمش اولدینی بر مولوددر، بر محصله قانونیه در. آنجق بر انسان، بر هیئت، کندیسنه بر وظیفه تثبیت ایدلکن صوکره اووظیفه نک کندی طرفندن تثبیت ایدلسیله آخر بر هیئت طرفندن تثبیت ایدلمش بولونسی آرمسده هیچ بر فرق بولوناماز. افندیلر! وظائف، ماهیتی اعتباریله فراغ اولونه مایه جق و آنجق ایفا اولونسی لازم کله جک خصوصدر. ایشته محکمه دن صادر اولان اعدام حکماری ده حقوق حکمرانیندر. مجلس عالیکنز بونی بالذات ایفایده جکی وظائف میانسه قید ایتمشدر. بونلری تامیله وظیفه مفهومیه کندیسنک بالذات ایفا ایتمکه مکلف اولدینی حقوقی بر عمده اوله رق تثبیت ایتمشدر. بناء علیه هیچ بر صورتله تشکیلات اساسیه قانونی تعدیل ایدلدکجه بونک شویا بوضورتله باشقه سنه فراغه امکان حقوقی یوقدر. «وظائفی بالذات کندی ایفا ایدر» دیمسیله «بالذات کندی ایفا ایدر» تعیرینه معنا ویرمک ایجاب ایدر.

افندیلر! محکمه، تعیری میاننده، حکم اعطا ایدن هر هیئته اطلاق اولوندینی ایچون، ماهیت قضائیه ده حکم اعطا ایدن هیئته اطلاق ایدلدیکی ایچون کرک دیوان حر بلردن، کرک نظامیه محکمه لرندن و کرکسه دیگر بالعموم محاکدن صادر اولان اعدام قرارلرینک حقوق حکمرانیدن اولسی اعتباریله مجلس عالی به کلی و مجلس عالیکنزکده بو قراری تصدیقی کیفیتنک بالذات کندیسنک ایفا ایتسی لازمه قانونیه در، بو تشکیلات

فراغ ایله مه مشدر. بو حقوق هیچ بروجهله بر عدا ایدیه مز. یعنی دولترله معاهده، صلح عقدی، حرب اعلانی، مسکوکات ضربی، عمومی و خصوصی عفو اعلانی، جزالرک تخفیف و یا تحویلی و سائر و شیمیدی بحث ایتدیکنز موضوعه تعلق ایدن مسئله، محکمه لر دن صادر اولوب قطعیت کسب ایتمش اولان اعدام حکمارینک انفاذی. ایشته افندیلر! بونلر حقوق اجراییه دن دکلدرد. حقوق قضائیه دن ده دکلدرد. وظیفه قضائیه ایله اجرای قضا آرمسده فرق واردرد. اجرای قضا دوغریدن دوغری به حقوق حکمرانیندر. مثلاً فرانسه ده اعدام صلاحیتی محاکم طرفندن استعمال اولنور. فقط رئیس جمهورک تصدیقنه عرض اولنور. اعدام حکماری سائر مملکتلرده اسویچرده ملت مجلسنک تصدیقنه عرض ایدیلور. بزده ایسه صریح بر صورتده «محکمه لر دن صادر اولوب قطعیت کسب ایتمش اولان اعدام حکمارینک انفاذی» دینمکده در. افندیلر! بو حقوق حکمرانیندر. بونک ماهیت حقو-قیه سنی ایجه تثبیت ایتک لازمدر. اعدام جزاسی؛ وجود بشرک افناسنه معطوف بر حرکت اولوق اعتباریله هر مملکتده حقوق حکمرانینک افاده ناضی بولنمشدر. حتی بوندن اولکی زمانده بزم مملکت مزده تورکیه بویوک ملت مجلسی تأسیس ایدنجیه قدر حقوق حکمرانی بی مشروطیت شکلنده نفسنده محافظه ایتمش اولان پادشاه طرفندن بو حق استعمال ایدلمشدر که بونک استعمالی قوه قضائیه دن، قوه تشریحیه دن، قوه اجراییه دن آیری بر ماهیت عرض ایدره ک دوغریدن دوغری به حقوق کله سیله افاده ایدلمسکده بولنمشدر.

حسین بک (الجزیر) — فریدون فکری بک!
اسویچرده درسم وارمی؟
فریدون فکری بک (درسم) دوامله — افندیلر!
تشکیلات اساسیه قانونمزک ۲۶ نجی ماده سنسده بر تعیر واردر که بوتعیریه بالخاصه نظر دقت عالیکنزی جلب ایدرم.
اوده (محکمه لر دن صادر اولوب قطعیت کسب ایتمش اولان اعدام حکمارینک انفاذی کبی وظائفی بالذات کندی ایفا ایدر) دیه محرردرد.

قانونیہ دہ و سائرہ دہ موجود اولان طرق تصحیحیہ بومقصودہ و بوحکممنہ معطوفدر .

افندیلر ! عدلیہ انجمنی ، مضبطہ سندنہ ادارہ عرفیہ حقدنہ کی بر مادہ نك ، ۸۶ نجی مادہ نك صوك فقرہ سندنہ استفاده ایتك ایستہ مشدر . ظن ای دیورم کہ ، دها دوغروسی قائم کہ عدلیہ انجمنی بو خصوصدہ جوق بویوك بر خطا ایتمشدر . چونکہ افندیلر ! ادارہ عرفیہ حقدنہ کی ۸۶ نجی مادہ قرائت ای دیلہ جك اولورسہ ادارہ عرفیہ نك واضح صورتدہ تعریف ای دلایکی کورولور . ادارہ عرفیہ ، شخص واقامتکاه مصونیتلر نك ، مطبوعات ، مراسلات ، جمعیت ، شرکت حریتلر نك موقہ تقید ویا تعلیق دیمکدر .

ادارہ عرفیہ منطقہ سیلہ بو منطقہ داخلندہ تطبیق اولونہ حق احکام و معاملاتک صورت اجرایی قانونلہ تثبیت اولونور .

شمدی آرقداشلر بمزدن بعضیلری دیورلر کہ مادام کہ ادارہ عرفیہ منطقہ سندنہ تطبیق اولونہ حق احکام ، قانونلہ پاییلایلیلر ؛ اوحالده اعدام صلاحیتی ده بوزمرہ میانہ ادخال اولنہ بیلیلر . افندیلر ! ادارہ عرفیہ فی تشکیلات اساسیہ قانونمز تعریف ایتمشدر . ادارہ عرفیہ نك ماهیتی نهدن عبارتدر ؟ بونی تثبیت ایتمشدر : شخص واقامتکاه مصونیتلر نك ، مطبوعات ، مراسلات ، جمعیت ، شرکت حریتلر نك موقہ تقید سندن عبارتدر . بناء علیہ دوغرودن دوغرویہ بر مادہ دہ کی صراحتلہ کندی نفسندنہ جمع ایتدیرمش اولدیغی ، افادہ ایتدیرمش اولدیغی بر حق ، تشکیلات اساسیہ قانونی مواد مختلفہ سندن بوقدرمی بی خبردر کہ ۸۶ مادہ سندنہ کی بر طاقم مبهم تعبیر لره کنندیسنی بوضورتلہ تناقضہ دوشورسون . هیئت جلیلہ کزدن ، بر واضع قانوندن ، تناقض ظہوری کی بر قرنبہ منطقہ موجود اولایلیلری ؟ بز دائما تناقضک عدم موجودیتنہ قائل اولما مقولہ مکلفز .

روشن اشرف بک (قرہ حصار صاحب) — فریدون بک ، سز آتماجیہی اوکسہ ایلمی طوتارسکز ؟

اساسیہ نك بر ایجاب ضروری سیدر . بواجباب ضروری هیچ بر صورتلہ ، هیچ بر وجهلہ قابل اہمال نکلدنر . قانونی بیابان ہیئت جلیلہ کزدنر . ہیئت جلیلہ کزک یادیغی قانونہ ہر شیدن اول کنندیسنک رعایت ایتسی امر بدیدیر .

افندیلر ! تشکیلات اساسیہ قانوننک ۲۶ نجی مادہ سنک مجلس عالیجہ مذاکرہ سنک ضبطلری تدقیق ای دل بسین . ضبط جریدہ سنک ۱۰۱۹ نجی صحیفہ سندنہ ، تدقیق ای دیلجہ ، کورولور کہ مجلس عالی بو خصوصدہ بر دقیقہ بیلہ تردد ایتہ مشدر . اعدام حکملر نك ، حقوق حکملر نك بر جزء مهمی اولمق اعتباریلہ ، نفسندن فراغ ای دیلہ جکی هیچ بر صورتدہ موضوع بحث ایتہ مشدر ، بونی بر دقیقہ بیلہ تصور ایتہ مشدر . اوزمانکی قانون اساسی انجمنی مضبطہ سنی تدقیق ایتدم . او مضبطہ دہ اعدام حکملر نك قابلیت فراغیہ سنی کوستریر ، اونک ، حقوق حکملر نك افرادی میانندہ هیچ بر صورتدہ تقریقی تضمن ایدر هیچ بر قید ، موجود دکلدنر ؟ وارد خاطر بیلہ اولما مشدر .

افندیلر ! مجلس عالی کز بوضورتلہ بوا اساسی تثبیت ایدر کن اک درین بر ملاحظہ حقانیتہ ، الکردین بر ملاحظہ معدلتہ استناد ایتمشدر . اعدام قرارلر نك ناقابل تلافی و تضمین اولدیغی معلوم عالیلریدر . تطبیقات عدلیہ دہ وقوعہ کلہ بیلہ جک - بویوك ، کوچوک - بر خطایی بالآخرہ تصحیح ایتکہ امکان واردر . فقط اعدامدہ بویلہ دکلدنر . بالآخرہ تصحیحہ امکان بوقدر . بناء علیہ افندیلر ! معدلتی تأمین نقطہ نظرندن ہر مملکتدہ وجود بشرک امخاسنہ معطوف اولان بر جزایی حقوق حکملر نك جمع ایتمشدر کہ بو حقک معدلت نقطہ نظرندن دہ مجلس عالی طرفندن استعمال ای دل می لازمہ دندر . باشقہ صورتلہ معدلتہ موافق بر طاقم وضعیتلر حدوشندہ ، ایشک تنظیمنہ وحقانیتک تجلی ایتدیرمنسہ امکان قالا ماز . حالو کہ بر ہیئت اجتماعیہ دہ ، عدالتک ، انتظامک ، دائما بقا بولا بیلمسی و تجلی ای دہ بیلمسی ایچون بوکی شدید حکمدک قابلیت تصحیحیہ سنی ایچون دائما بر بول موجود اولمالیدر . کرک اصول محاکمات حقوقیہ ، کرک اصول محاکمات جزائیہ

دیوان حرب عرفیله قانون یایق حقی ویرمه میز .
 بونی نیچون ویرمه میز ؟ چونکه تشکیلات اساسیه نك
 ۲۶ نجی ماده سی مجلس بو وظیفه لری ، بالذات کندی ،
 ایفا ایدر دیور . مادام که بو باده یکانه استناد
 ایتدیگمز حجت قانونیه ، حجت عدلیه ، حجت
 حقوقیه (بالذات کندی ایفا ایدر) تعیرندن عبارتدر .
 اوخلده اعدام حقنده کی صلاحیت قانونیه دن ده فراغ
 ایده مه سی عینی عبارة قانونیه دن تظاهر ایتزمی ؟ بو
 آشکار و واضح اولان حقیقت حقوقیه قارشوسنده
 هیئت جلیله ناصل اولورده حقوق ، حکمرانینک بر جزء
 مهی اولان اعدام حکمرانینک انفاذینی بر هیئت مخصوصه یه
 ویا برذاته ویا خود بر تشکیلاته فراغ ایده بیلیر . بو تشکیلات
 اساسیه قانونیه متضاددر . تشکیلات اساسیه قانونی یاپان
 مجلس عالیدر دیهرکنن دمین عرض ایتدیگم کچی
 تشکیلات اساسیه قانوننک عباراتنک مهمل اولمی لازم
 کلز . هم افندیلر ، عدلیه انجمنمزه صورارم : صراحت
 قارشوسنده دلالته اعتبار جا ژر میدرو احکام و موضوعات مزده حاکم
 اولان اساسات حقوقیه بی دوشونه لم . اساسات حقوقیه مزده
 (صراحت قارشوسنده دلالته اعتبار یوقدر) . (۲۶) نجی
 ماده صریحدر . « بالذات کندی ایفا ایدر » دیور . هیئت
 جلیله کزه صورارم : بوقدر قانون وضع ایدیورسکز .
 حقوقنک آخره فراغ ایده مه سی حقنده بر ماده قانونیه
 یایلمسی موضوع بحث اولسه و جمله من بونک اوزرنده
 متفق اولسه ق بوندن دها قوتلی بر عباره می بولا حقدق ؟
 بولونسه ، بولونسه دنیاده بوندن باشقه بر عباره بولوناماز .
 بو حق قابل فراغ دکلدر دیمک ایچون (بالذات کندی
 ایفا ایدر) دیمکدن باشقه چاره وارمی در ؟ بر آدمی بریره
 کونده ریرسکز . کندینه بر وظیفه ویریرسکز . اوافندی یه
 بو وظیفه بی بالذات کندی ایفا ایده جکسک دینور . بونی
 منطوقده بویله آکلار ، حقوقده بویله آکلار . عقل
 سلیم و احجابات منطقیه ده بویله آکلار . افندیلر !
 قوانینی آکلامقده عمومک منطقتک یولوندن کیتمک
 مجبوریتنده یز . عمومک منطقتک یولونی ترک ایدوبده

فریدون فکری بک (دوامه) — افندیلر ، (احکام)
 تعیرینه بر معنا ویرمک ایسته نیلیور . تشکیلات اساسیه
 قانونم احکامی تثبیت ایتمشدر . احکامدن مقصد ،
 علی الاطلاق محکمه لردن صادر اولان حکمار دکلدر . بزم
 تشکیلات اساسیه قانونم بو باده محکمه لردن صادر اولان
 حکمار حقنده حکم تعیرینی دکل ، مقررات تعیرینی
 استعمال ایتمشدر . اداره عرفیه نه دیمکدر ؟ اداره عرفیه :
 هر مملکتده ایکی مفهومی افاده ایدر . بولردن برنجیسی
 حقوقک تعیدی صورتیه و وظیفه انضباطک حکومت
 ملکیه دن حکومت عسکریه یه انتقالی کیفیتی در . بومعاملات
 ایله افاده اولنور . ایکنجیسی ده : اوساحده تطبیق اولنه جق
 احکام قانونیه در که بوده احکام تعیریه افاده ایدیلر .
 بعض مملکتلرده بو وظیفه دیوان حربلره تودیع ایدلمش ،
 بعض مملکتلرده ایسه دیوان حربلره تودیع ایدلمه مشدر .
 اداره عرفیه ، آنجق حکومت ملکیه و وظائفک حکومت
 عسکریه یه انتقالدن عبارتدر . بناء علیه مختلف اداره
 عرفیه اشکالی موجوددر . ایشته احکام تعیرندن مقصد
 اداره عرفیه ساحه سنده تطبیق اولنه جق مواد مخصوصه
 قانونیه دن عبارتدر . بونلرک میانه ایسه اعدام صلاحیتی
 ادخال ایتمک امکان یوقدر .

افندیلر ! هیئت جلیله کزه صوریورم : حق تشریح
 قابل فراغ میدر ، دیوان حرب عرفیه قانون یایق صلاحیتی
 ویرمه بیلیرمی یز ؟ طبیعیدر که ویرمه میز . قانون یایق صلاحیتی
 نیچون ویرمه میز ؟ هیئت جلیله کز بو کون بر قانون
 یایسه و بونکله دیوان حرب عرفیله ، یا خود اردو
 قوماندانلرینه کندی منطقه لری ایچون قانون یایق حقی
 ویرسه بوکا امکان قانونی وارمیدر ؟ تشکیلات اساسیه
 قانونی بونی ویرمه بیلیرمی ؟

افندیلر ! تشکیلات اساسیه قانوننده بزى بو حق اعطا
 ایتمکدن ، قانون یایق حقی اعطا ایتمکدن منع ایده جک
 عباره عینی عباره در ، عیناً بو باده کی افاده در . یعنی
 بالذات کندی ایفا ایدر تعیریدر . دیمک که اجرا وکیللری
 هیئته قانون یایق حقی ویرمه میز ، اردو قوماندانلرینه

افندیلر ! بندہ کز تحلیلالات حقوقیہ می قسماً عرض ایتدم . دیگر جھتلیرنی ده ایجاب ایدرسہ مادہ سندنہ سویلہ جکم . فقط شونی عرض ایدم کہ تشکیلات اساسیہ نك ۲۶ نجی مادہ سندنہ کی صراحت قارشوسندنہ کچندہ استقلال محکمہ سی قانونندنہ ، بوقاعدہ ایلہ مطابق اولیان برقرار ویرلشدی . بوکون عدلیہ انجمنی مضبطہ سندنہ اوقراری بر اساس حقوقی ، عادتا برنمیک عد ایدہ رک یوریور .

افندیلر ! حقوق اساسیہ ، تشکیلات اساسیہ نك ہیئت جلیلہ کزہ بخش ایتدیکی وظائف ، باشقہ یرلہ فراغ ایدیلہ ایدیلہ بیلیم کہ کونک برندہ او وظیفہ دن نہ فالاحقدر .

رفیق بك (قونیہ) — ایدلہ یور فریدون بك !
مراق ایتہ ، ایضاح ایدہ جکمز .

فریدون فکری بك (درسم) — مراق ایتدیکم یوق .
بسیم بك (مرسین) — افندم ! بندہ کزہ تقدم ایدن حقوق شناس آرقداشلریمک بیاناتندن صوکرہ بندہ کزہ سویلہ یه جک سوز قالماشدر . بالکمز محترم عدلیہ انجمننک استناد ایتدیکی مادہ قانونیہ تی تحلیلالات بندہ کزہ برقاچ گلہ جک عرض ایدہ جکم .

محترم عدلیہ انجمنی ، اساساً تفسیر صورتیلہ کنڈیسنہ عرض ایدیلن مادہ قانونیہ تی موافق بولما یور . چونکہ : «مہم دکدر . بناء علیہ ، شایان تفسیر دکدر» دیور . بوندہ ہپ برابرز . بالکمز دیور کہ : اساساً تشکیلات اساسیہ قانوننک ۸۶ نجی مادہ سننک صوک فقرہ سی ، بزہ اعدام صلاحیتلرینک دیوان حربلہ ویرلسنہ جواز ویریور . بوجوازہ استناداً بر مادہ قانونیہ تکلیف ایدیور وسزہ عرض ایدیور لر . استناد ایتدیکی فقرات قانونیہ تی عیناً او قویہ جعم . کنڈیلری دە ذاتاً یازمشلردر .

مضبوطہ ده «ادارہ عرفیہ منطقہ سیلہ بومنطقہ داخلندہ تطبیق اولونہ جق احکام ومعاملاتنک صورت اجراسی و حرب حالندہ دخی مصونیت و حریتلرک طرز تقیید و تعلیقی قانونلہ تثبیت اولونور دہ نیلہ رک ادارہ عرفیہ لر دہ تطبیق ایدیلہ جک احکامک صورت و طرز اجراسنی

خصوصی منطقک یولونی طوتہ جق اولورسوق ، خصوصی منطقلرلہ ، ایچندن چیقلمایہ جق طرز تفکر لرلہ ساحہ حقوقیہ واصل اولامایز .

افندیلر ! ادارہ عرفیہ نك ماہیتی حقندہ قانون اساسی انجمننک مضبطہ سی صریحدر . قانون اساسی انجمنی ، ادارہ عرفیہ تعیرینی واضح صورتدہ افادہ ایتمشدر و عبارتہ قانونیہ دە ، تشکیلات اساسیہ قانوننک ۸۶ نجی مادہ سی دە بونی عیناً بوضورتلہ افادہ ایتمشدر . باقیکنز مضبطہ شو صورتلہ افادہ ایتمشدر . «مخاطرہ لی زمانلردہ بعض مصونیتلرک» دیور ، یوقسہ «حق حیات بشرک» دکل ، «مصونیتلردن» بحث ایدیور ، «حقوق طبیعیہ» دن بحث ایدیور . دیمک کہ افندیلر ! بعض مصونیتلری تقیید ایدن ادارہ عرفیہ در . بوندہ وظیفہ قضائک ایفاسی دیمک اولان حقوق حکمرانی حقندہ ہیچ بز عبارتہ ، ہیچ بردالات ، ہیچ بر اشارت موجود میدر ؟

افندیلر ! رجا ایدرم ، اکر ہر کون ہر ہانکی بر احکام گلہ سی قارشوسندنہ صراحتلری بر طرفہ براقہرق ، ہیچ بر صورتلہ خاطر و خیالہ گلہ ن عبارتندن بز تشکیلات اساسیہ نك صراحتلرینی اہمال ایدہ بیلہ جک بر چیغرہ داخل اولاجق اولورسوق سزی تأمین ایدرم کہ تشکیلات اساسیہ دن اورتدہ خیال دن باشقہ برشی قالماز . تشکیلات اساسیہ نك بقاسی دیمک ، تشکیلات اساسیہ نك دوامی دیمک ، تشکیلات اساسیہ نك احتوا ایتدیکی قانونی صلاحیتلرہ تماماً رعایت ایدلمسی دیمکدر .

افندیلر ! (احکام) گلہ سی میانہ دیوان حربدن صادر اولان مقرراتنک انفاذینی ادخال ایدہ مہیز . چونکہ : تشکیلات اساسیہ نك مختلف مادہ لرندہ دیوان عالی فصلندہ و اوندن اولکی محاکم فصلندہ دیوان حربلردن صادر اولاجق خصوصات حقندہ (قرار) گلہ سی استعمال ایدلمشدر ، ہیچ بریرندہ (احکام) گلہ سی موجود دکدر . بناء علیہ اورادہ کی احکام تعیریندن مقصد ، آنجق و آنجق دمین عرض ایتدیکم وجہ اورزہ ادارہ عرفیہ منطقہ سندنہ تطبیق اولنہ جق قوانیندن عبارتدر .

اولورسيق بونصل اهمال و تعديل ايدلش اولمايور ؟
 صكره « هيچ برقانون تشكيلات اساسيه قانونه منافي
 اولاماز » قيدي نصل اعمال ايد حكنز ؟ حالبوكه بو
 قانون صراحة تشكيلات اساسيه قانونه منافيدر .
 ۱۰۳ نجى ماده باغيريبور و « هيچ برقانون تشكيلات
 اساسيه قانونه منافي اولاماز » دينور . حالبوكه عرض
 ايتديكم كچي كوريبورسكنز بو صراحة منافيدر . بناءً
 عليه بنده كزده آرقداشليمه التحاق ايدرك بو قانونك
 ردايدلمسى طرفدارى يم . تشكيلات اساسيه قانونمزمده منافيدر .
 شوفى ده علاوه عرض ايد يم كه هيئت جليله كز بوندى اول
 استقلال محكمه سنه اعدام صلاحيتي و يرمشدى . فقط بو ،
 بو صورتله تاويل ايديله بيلوردى . هيئت جليله نك نقطه
 نظرى ده بر نقطه ده طوبالانمشدى . اوده مجلس عاليكزك
 بر جزئى ايدى . معلوم عاليكز ، استقلال محكمه لرى هيئت
 جليله كزك بر جزئى دز . اوزايه بو صلاحيت و يريله بيلير .
 حالبوكه افنديلر ! ديوان حربلر ، هيئت عليه ايله علاقه سى
 اوليان هيئتلردر . بو اعتبارله بنده كز ، بو مسئله ايله ده
 قابل مقايسه اولمايغنه قائم . بناءً عليه بو قانونك ردى
 طرفدارى يم .

عدليه انجمنى نامنه رفيق بك (قونيه) — بنده كز
 انجمن نامنه سويله به حكيم . افندم ! حضور عاليكز شوكتابه
 كلمكدن مقصدم ، فريدون فكري بك آرقداشمز كچي
 كلش اولوق ايجوندر . يوقسه بنده كز او قناعتده يم كه
 بو كتابه مراجعت ايتيمه جك قدراليزده ، موضوع مذاكره
 اولان ماده واضح و آچيقدر .

محترم خطيلىرك مطالعاتى ، شه سز بو بوك بردقت و مراق
 ايله تعقيب ايتدم . هر نهمان حيات ملتى محافظه ، مملكتك
 قارشوسنه هر هانكى بر شكلده ديكيه جك بوتون مهالكي
 رفع و ازاله مقصدياه هيئت جليله ده برقانون مذاكره
 اولونوركن مقدارى ، بش ، اونى كچمهن بعض آرقداشلىرك
 بك بو بوك بر تلاشده دوشدكلىرى سويله ملك مجبوريتنده يم كه
 فريدون فكري بك او آرقداشلىرك برنجيسيدر .

متضمن قوانين وضعى و تجويز ايدلمش بولونديغندن فقره
 مذكوره استناداً . . . » دييور .

محترم عدليه انجمنى بوراده كى احكام كلمه سنى قانون
 رضع ايتكم — محترم فريدون فكري بكك اشارت بو يوردى
 وجهله — و تشرى صلاحيتى كندينه يعنى ديوان حربله
 و يريله بيلمسى معناسنه آكلابارق بوماده قانونه نك باشنده
 اداره عرفيه نك نهدىك اولدينى تعريف ايديلنور . « اداره عرفيه ،
 شخص واقامتگاه صونيتلرينك مطبوعات ، مراسلات ، جمعيت ،
 شركت حربيتلرينك موقه تقييد و تعليق ديمكدر » دييور .
 ديمك كه اداره عرفيه عائد وضع ايديله جك احكام و قانون ،
 يالكز بو احكامى مقيد بو احكامى محتوى اوله بيلير .
 يوقسه تشكيلات اساسيه قانونك ۲۶ نجى ماده سنىك
 صراحة مجلس عاليك دائره صلاحيتى داخلنه ادخال ايتدىكى
 اعدام حكملرينك تقييدى صلاحيتى ، هيچ بروقت اداره
 عرفيه و ديوان حرب محكمه لرينه توديع ايديله من . معلوم
 عاليكز بوراده كى (احكام) قيدى مطلقدر و برقاعده
 عموميه دركه « مطلق ، اطلاق اوزرينه جريان ايدر » فقط
 شوده معلوم دركه : اكر لفاً و يادالاه تقييد دلى بولونمازسه
 اطلاق اوزرينه جريان ايدر . حالبوكه بوراده كى نصده
 عرض ايتديكم كچي تشكيلات اساسيه قانونك ۲۶ نجى
 ماده سنىك صوك فقره سيدر . نصاً بو قدر تقييد ايدلاكدن
 صكره بوراده كى مطلق نهمه ميه رك مطلق ، اطلاق اوزرينه
 يوروتكم هيچ بروقتده دوعرو اولاماز . بنده كز ، بو
 نقطه يى بالخاصه اشارت ايتكم لزومى حس ايتدم .

صكره محترم افنديلر ! تشكيلات اساسيه قانونمك
 ۱۰۳ نجى ماده سى واردر . اونده دييور كه : « تشكيلات
 اساسيه قانونك هيچ بر ماده سى هيچ برسب و بهانه ايله
 تعديل اولوناماز ، هيچ برقانون تشكيلات اساسيه قانونه
 مغاير اولاماز »

رجا ايدر ، ۲۶ نجى ماده نك نص صريحى دركه
 اعدام حكملرينك تقييدى صلاحيتى ، مجلس عاليك حق
 صريحى ايكن بونى ديوان حرب هيئتلرينه و يره جك

مجلس عالينڪ حقوق حڪمرانيسندن مهم برصلاحيتي فراغ ايتش اوليورز» مساعده لريه ديه جكم كه مجلس عالينڪ، حقوق حڪمرانيسنى فراغ ايچون دكل، تاييد ايچون، محافظه ايچون بوقانونى ياپورز .

عابدين بك افندى ! ايسترميسكز كه مجلس عالينڪ حقوق حڪمرانيسندن اولان وتشكيلات اساسيه قانونمرك ۲۶ نجى ماده سنده تصریح ايدمش اولان صلاحيت اساسيه ؛ بر باشقه شكلده قانونه استناد ايدلمكسز ين ايفا ايدلمك آرزو ايدلسيون ؛ ايسته اوزمان سنكه برابر باغيررز، (تشكيلات اساسيه قانونى احكامى صارصيلمشدر) درز .

آرقداشلر ! امين اوله بيليرسكز كه عدليه انجمنكز بالخاصه تشكيلات اساسيه قانونك حقوق حڪمرانى به تعلق ايدن اساساتى بويوك بر قصقناحلقه محافظه ايتمكى شعار ايدمش و كندى ايچكزردن آيلمش برهينكزدر . قانونى ساعترجه تدقيق و مطالعه ايتدك ، اوقودق . ۷۶ نجى ماده نك صوك فقره سنه استناد صورتيله الكنزده بولونان مضبطه ايله او ماده قانونيه ني تثبيت ايدرك هيئت عليه كزم عرض ايتدك . آرقداشلر ! تشكيلات اساسيه قانونك ۲۶ نجى ماده سنده « اعدام صلاحيتى بالذات مجلس على ايفا ايدر» ديور . فريدون فكري بك آرقداشمز بالخاصه بونقطه به اصراره تماس ايتديلر . فريدون فكري، بكه صورويورم . مملكتك حياتنه ، مقدساتنه تجاوزايدن برطاقم سرسريلر ، قانونك صلاحيتى قارشيسنده اعدام جزاسيله ، اعدام تهديديله تيزه مكده درلر واونلر بزم دها اول ويرديكمز صلاحيتلاره دها اول اعدامه محكوم اولمشلردر . فريدون فكري بك افندى اورايه مجلس على به وكاله كيت ، اعدام حڪملىرى انفاذ ايت ، ايليرينى چك ؛ قانونده كى معنا بوديمكميدر ، رجا ايدر م ؟ بالذات ايفا ايدر ديمك بوديمكميدر ؟

فريدون فكري بك (درس) — خاير افندم ، خاير بو...

رفيق بك (قونيه) دوامله — لطفاً ديكله ييكنز .

فريدون فكري بك (درس) — اونكله مفتخرم . رفيق بك (دوامله) — بويوك بر تلاش ايله بوكرسيدن « تشكيلات اساسيه قانونى ايله تثبيت ايديلن حقوق حڪمرانيز كيديور ، مملكتمحو اوليور ، وطن بيقيليور » فريادى بويوكه ليورلر . شهسز آرقداشلر يمز ، قاعاتلر نده و اجتهادلر نده سر بستدرلر . هر كسك قناعت و اجتهادى كى اونلر ك قناعت اجتهادى ده محترمدر . فقط آرقداشلر ! بك چوق دفعه لر بوراده موضوع بحث اولان بواساس حقوقى ، يالكز بش اون آرقداشك وجداننده ، قلبنده ، فكرنده انديشه توليد ايتش اولماسون وبويوك بر اكرتيت عظيمه قارشوسنده — كندى قناعتمه كوره — اوقدرلر و مسز تلاشه قابيلماسونلر . بيلسونلر كه قارشولر نده اوقانونى قبول ايدن برا كترتيت عظيمه ، بر اكرتيت قاهره ، هيچ شهبه يوق ، كنديلرى قدر و كنديلر ندين دها ايلرى كيدرك مملكتك بتون مقدساتنك محافظى ، نكهبانى اولنجى كنديلرى ايچون اك بويوك بر وظيفه واك بويوك بر شرف بيلن انسانلردر (صولدن آلتشلر) .

محترم عابدين بك افنديك سوزلرني ديكله دم . شهسز هيئت جليله كزده بنده كزله برابر ديكله ديكنز . بوقانونله ، بوصلاحيتك بك قانونى و بك دوغرو اوله رق ويرمك ايسته ديكمز هيئته ويرلسى ايچون كوستريلن اسباب موجه ينى كنديلرينه مخصوص بلاغتريه افاده ايتديلر بوقت ايتدم كه بزدين بشقه برشى سويله مديلر . عدليه انجمنكز ؛ مملكتك منافع عاليه سنى نظر دفته آله رق كنديسنه تفسير صورتيله عرض ايديلن بر شيشى ، ينه تشكيلات اساسيه قانونه موافق اولسى ايچون بر ماده حالنده قبولنى هيئت جليله كزم عرض ايدر كن استناد ايتديكى اسباب موجه حقوقيه ، مملكتك منافع عاليه سنى ايدى . عابدين بك ده اونى دييور واونده متفقدز . اوده قورال ايدى دييور و دييور كه : « تهلکه بويوكوز ، ارتجاع واردر . بوار تجاعى هر هانكى بر واسطه و هر هانكى برسبيله ييقمق ، كو كندن محواتمك مملكتك حياتى ايجاباتنددر » او حالده عابدين بكله آره مزده بر فرق يوقدر . [يالكز عابدين بك دييور كه : « بز ويريلن بوصلاحيتله

مطابققدر. تشکیلات اساسیه قانونیک عرض ایندیکم ۸۶ نجی ماده سنک صوک فقره سی ایله مؤبدردو بخش ای دیلان صلاحیته مستنددر. بواعبارله فریدون فکری بک افندی تلاش ایتمه سونلر. لطفاً چوق تلاش ایتمه ییکز. تشکیلات اساسیه قانونی محفوظدر. اونک فوقنده حیات واستقبال مملکت موضوع بحثدر. بزى تلاشه دوشورهن اونک محافظه سیدر. اونک قورتار یاسیدر. اونک یاشاتیلما سیدر. هیمز بک اعلا بیلیرزه مجادله نك، انقلابک ایچندن کچن وبومقدس سقف التنده طویلانان کزیده آرقداشلر، هیکز بیلیرسکز که بوملت کندی عزم وایمانه کووه نهرک هیمچ برشی دوشونمیه رک، هیمچ براندیشه به تابع اولیه رق وهیمچ بر قیدله مربوط قالیه رق متجددانه یورویهدرک بونتیجه به وارمشدر وهیمزک اتفاق ایندیکم کبی بر تهلمکه واردر. فقط تورکک عزمی وایمانی بویله بویوک تهلمک لری فصل قیروپ، دوکوب آتمشسه بونی ده بک یقینه آتاجق و دشمنلر محو وپریشان اوله جق، محجوب اوله جق و بودفمه تورکک عزم وایمانی برقات دها یوکسله جک و تورکک یاشایاجق، تورکک عزم وایمانی، استقلال واستقبالی مؤمن اوله رق. یاشایاجق ودائماً پارلاق اوله رق استقبال بزم اولاجقدر.

محترم آرقداشلر! عابدین بک افندی ایضا حائنده مهتم بر نقطه بی اشارت بوور مشاردی. دیورلردی که: «تقریر سکون قانونی هیمزک نفرت وتلعین ایندیکم از تجاعی عصیانى تشکیل ایچون چیقمشدر وبونلره اشتراک ایدنلری، تأدیب ایچون چیقمشدر واستقلال محکمه سنده اعدام، صلاحیتی ویرلمشدر. بو کافی دکلیدر که شمدی یکی بر تکلیف قارشوسنده بولونیورز؟» صور بیورم آرقداشلر! کافیمیدر؟ وجدانکزه مراجعت ای دیورم، کافیمیدر؟ ایچمزدن سجدیکم آرقداشلر من هنوز دها یرلرندن حرکت ایده مشاردر. بر استقلال محکمه سی کوندر بیور. سکز. حرکات عصیانیه ساحه سنی کورنلر چوق ایی بیلیرلر، کوز اوکنه کتیر سینلر. العزیزده اوطوزان بر استقلال محکمه سی؟ هر درلو خطوط مواصله نك منقطع اولدینی، بالفرض کنجده دوغزودن دوغزویه تأدیب ایجاب

بن، ذات عالی کزى دیکله دم. مجلس عالی نك اعدام خصوص. صنده کی صلاحیتی بالذات ایفا ایدر دیمک، تکرار ای دیورم، بالذات کیدر. ایله ایینی چکر دیمک میدر؟

روشن اشرف بک (قره حصار صاحب) — فریدون فکری بک آتماجه نك اوکسه ایله طوتیلاجغه قاندر. رئیس — مساعده بویوریکز. محاوره طرزینه دوکمه ییکز ضوکره ایضاح ایدرسکز.

رفیق بک (قونیه) دوامله — افندم! عدلیه انجمنی مضبوطه سنده کافی درجه ده هیئت جلیله کزى تنور ایچون اولدقجه مفید و مختصر معروضاتده بولونمشدر. بنده کز بونقطه بی تکرار ایتمک ایسته میورم. حکومتدن بر تقصیر طلبی گلشدر. اونى اوزون اوزادی به تدقیق ایتمش و تفسیری موجب بر حال کورمه مشدر. ۸۶ نجی ماده نك صوک فقره سنی مساعده کزله او قویایم:

[اداره عرفیه منطقه سیله بو منطقه داخلنده تطبیق اولنه جق احکام و معاملاتک صورت اجرایی]

افندم! هر یکیتک بر کوروشی واردر، عیب دکلدرد. بسم بک قرده شمز، فریدون فکری بک آرقداشمز احکام و معاملاتى کتدی کوروشلریله، باشقه بر شکلده آکلایه بیلیرلر. فقط عدلیه انجمنک کزله برابر بنده کزده اونی باشقه بر شکلده آکلادق و آکلادیغمزى ده بر ماده ایله تثبیت ایندک. (احکام و معاملات) احکامک معناسی نهدر؟ واضع قانون احکام سوزینی اورایه قویارکن اوندن مقصدی نهدر؟ البته بر طاقم جزائی حکم اردر. اوزمانلر یاتشکیلات اساسیه قانونی تثبیت اولونورکن موجود اولان قانون قصد ایلمش و یا خود ذاتاً صیغه مضارع استعمالیله (اولونور) دیور. احکام و معاملات قانونیه تثبیت اولونور. یا اوزمانکی اداره عرفیه قرارنامه سنده واضع قانون مقصد حقیقی سنی کورمش (اولونور)، دیور و یا خود بوکون احتیاج حقیقی قارشوسنده قالمش، ینه واضع قانون اولق حیثیتیه ایشى قانون ایله تثبیت ای دیورسکز و تثبیت ای دیورز و ویردیک کز صلاحیت قانونیدر. تشکیلات اساسیه قانونه

رئیس — یالکز کفایت علیہندہ . یا کافی درو یاد کلدر
دیہہ جکسکز برکله فضلہ سویلتم .

بسم آتالای بک (آقسرائ) — مذا کرہ کافی
دکلدر . چونکہ بونک طبیعی سبب وعلقی تشریح
ایدلک ایجاب ایدر . غایت قیصہ در . ایکی دقیقه مساعده
بویورمکزی رجا ایدرم (بر حقیقت قالماسون عالمہ
اللہم نہان) . دیہہ بورہ کی یانان شاعر ، حقیقت ایچون باغیر
مشدز ، چاغیرمشدر . محترم فریدون فکری بک ،
« خصوصی منطقلہ شویله محاکمہ ایدیلیور ، عمومی منطقلہ
بویله محاکمہ ایدیلیور » دیدیلر . آرقداشلر ! دنیادہ کتاب
قورجالایان ، دیرسک اسکیتن ہیچ برذات یوقدرکہ عمومی ،
خصوصی منطق او قومش اولسون . بویله شی یوقدر . علمی
جواب ایستیورسک ، کندک علمله حرکت ایتمہ دک . بونی دہ
بیله سیک . دنیادہ یالکز بر علم منطق واردی . اودہ دیکر لر
کبی اولدی . اولجہ ، بر علم منطق واردی . بر تراز ی واردی .
بونکہ ہر شیی طار تارسکز . بوترازی یہ ووردیکزمی
حق میدانہ چقار دیرلردی . بوکونکی علم ، بوکونکی
حادثہ لر ، آنجق تجربہ دن دوغان حقیقتلرہ قیمت ویرر .
نظریات اوزرینہ ، استنتاج ایدیله جک نتایجک بوکون قیمتی
قالمامشدر . (مجاز اولدی حقیقت . حقیقت اولدی مجاز) .
اوت ، بر لوژیک وار ، بر منطق وار . ہر علمک بر منطقی
وار . فقط حادثہ لڑک ، شائیتلرک ، رہ آیتہ نک ایجاب ایستدیردیکی
حقیقتلر واردرکہ اوکا تبعیت لازمدر . علم حقوق ،
آریستو منطقلہ استناد ایدیله لڑک تدوین ایدیلیورسہ
چور وکدر . احتیاجاتی تطمین ایتمز . شائیتلردن
ضرورتلردن و احتیاجدن دوغان علم حقوقدرکہ ،
ملتلرک احتیاجاتی تأمین ایدر . بیله سین کہ فریدون
فکری بک افندی ! منطقلک و بلاغتلک قوتی ، ایجاب
حالہ مطابقتدر . ضرورتی افادہ و تأمیندہ در .

روشن اشرف بک (قرہ حصار صاحب) — مذا کرہ
کافی ، دکلی ؟ اونی آکلامق ایستیورز .

بسم آتالای بک (آقسرائ) — علمی جواب
ایستیورلردی . اونی ویردم .

ایدن ، اعدامی مستلزم اولان بر حرکتی آنی صورتدہ تجزیہ
ایدہ بیلیرمی ؟ اورادہ کی حرکتک سہولت و سلامتہ تأدی ایچون
یو صلاحیت لازم ولا بددر . عزیزدہ او طوران استقلال
محکمہ سی قوہ قدسیہ صاحبمیدر کہ در حال اورایہ کیدہ رک
حکمی انفاذ ایسون و سرعتلہ انفاذ ایدہ بیلسین ؟ سو کرہ
بر محذور دہا واردی . بوکون استقلال محکمہ سی ہیثنہ
حکومت ہمہ حال کیدہ جکسک دیہہ بیلیرمی و ہیئت جلیلہ
بر قرار ویرمشدر کیدہ جکسکز دیندیکی وقت استعفا
ایدرسہ نہ یا باجتمسکز ؟ و یا خود مجلسک تعطیل زمانہ
تصادف ایدر . اوچ درت استقلال محکمہ سنک دردی
بردن چکیلیورسہ و یا اوچی استعفا ایدرسہ بر لرینہ بشقہ اعضایی
یکم انتخاب ایدہ جکدر ؟ افندیلر ! اورادہ کی او ایش
طورورمی ؟ او فلاکت دورورمی ؟ او ، ذاتاً سنک
ضعیف طرفکی قوللار . افندیلر ! بوکبی تہلکہ لڑہ
معروض قالماق ایچون ، بوکبی محذورلردن توقی ایچون
ہیکزک بوقانونی بر آن تردد ایتمہ دن قبول ایدہ جکسکز دن
امین اولارق کرسی پی ترک ایدیورم . فریدون فکری
بک ! قناعت کلدی ؟ تشکیلات اساسیہ قانونہ منافی دکلدر .
فریدون فکری بک (درس) — برکلیہ حقوقیہ
سویلہ مدیکز ، حسی سوزلرلہ ایشک ایچندن چقیدیکز .
علمی جواب ویرمہ دیکز .

رفیق بک (قونہ) — حقیقتلر ، حسلردن طوغار ،
اونلرلہ بویور (مذا کرہ کافی سسلری) .

فریدون فکری بک (درس) — تشکیلات اساسیہ ،
علملہ مدافعہ ایدیلیور .

رئیس — افندم ! کفایت مذا کرہ حقندہ تقریر
واردی (کافی سسلری) . فقط دہا بر قاچ ذات سوز
آلمشدر .

روشن اشرف بک (قرہ حصار صاحب) — رجا ایدرم ،
مذا کرہ کافیدر . شیخ سعید حرکت ایدیور ، بز مذا کرہ
ایدیورز .

بسم آتالای بک (آقسرائ) — کفایت علیہندہ
سویلیہ جکیم .

برقانون مجلس عالی یہ تودیع ایدیلنجہ حقیقہ اصولہ
 وشکلی بر صفحہ بی احتوا ایدر . بوقانونک ہیئت
 عمومیہ سنک مذا کرہ بی اثنا سندنہ بعض آرقداشلر
 اصولہ وشکلہ غائد اولہرق بعض نقاط نظر لری در میان
 ایدلمش وجواب لری انجمن طرفندن ویرلمشدر . بندہ کزده
 قیصہ جہ عرض ایدہ حکم . محترم آرقداشلر ! بعض
 رفقای محترمہ واردر کہ مملکتک حیاتی فعلاً مدافعہ
 ایتک وحقی بوکون ایچندہ بولوندیغمز وضعیتک دخی
 کوستردیکی وجہله وطنک حقوق و منافع قطعہ سنی سلاحہ
 مدافعہ ایتک وضعیتندہ وبو وضعیتک امر وجبری آئندہ
 یاشامق اصطرارندہ بولونانلرہ ، ینہ قانون و اصول طریقہ
 بعض حقوق و صلاحیتک ویرلمسی موضوع بحث اولدیمی
 در حال بوندن استفاده ایله بر نمایش فرضتی کی بونی قول لائق
 ایستلر و بوکون دہ عینی رولی بعض رفقا ، بومناسبتلہ دخی
 تکرار ایتلمشدر .

محترم آرقداشلرم ! شونی عرض ایدہ یم کہ ، بو
 یالکز بزم مملکت مزده دکدر . دنیانک هر طرفندہ ،
 وطن و وطنک مدافعہ سنک استنزام ایتدیکی حقیقت
 یوللری اوزرنده یورون بر طاقم کتله لر واردر . دیگر
 طرفندہ ، بو حقیقت بین ، بو ، (رہ آلیست) و یالکز
 وطن قایغوسیلہ چالیشان و بر طاقم موہومات و نظریاتہ
 وطنک حیاتی و استقبالی امانت ایدہ مین بو اساسلی
 موجودیت لک قارشوسندہ ، بونلرک دائماً آنکرندن طوتان
 و ایلری کیتک ایتدیکی وقت دائماً اوکلرنده بر مانع
 و بر واسطہ حیولت ایقاع ایدن و دائماً موفقیتی بر طاقم
 موہوماتلہ تعلیل و تعویق ایتک ایستہ ین انسانلر واردر
 روشن اشرف بک (قرہ حصار صاحب) —
 اٹک صاغلاندر ، پایشانلری دہ برابر سور وکلہر .

مدافعہ ملیہ و کیلی رجب بک (دواملہ) — محترم
 آرقداشلرم ! بو مناسبتلرلہ بو اساسلرک بو کرسیدہ
 متعدد دفعہ لر مذاکرہ اولونمسک اعتیاد حالہ کلسی بزم
 مملکتندہ حقیقت بینلکہ دوغری بر سیل طبعی حاصل
 ایدہ جکدر و بندہ کز بالذات کندم بونی محسوسی بر
 شکلده اشارت ایتمکدہ یم .

رئیس — مذاکرہ نک کفایتی رأیکزہ عرض
 ایدہ حکم . تقریری او قوبورز :
 ریاست جلیلیہ

مسئلہ تماماً تنور ایتشدر . مذاکرہ کافیدر . مادہ یہ
 کچلمسنی تکلیف ایدرم .

چوروم

اسماعیل کمال

رئیس — رأیکزہ عرض ایدیوروم . مذاکرہ بی کافی
 کورہ نلر لطفاً ال قالدیسین ! عکسنی رأیہ قویوروم .
 قبول ایتہ نلر لطفاً ال قالدیرسین ! مادہ لرہ کچلمسنی
 قبول ایدلمشدر .

حرب وعصیان ساحہ لرندہ کی ادارہ عرفیہ منطقہ لرندہ متشکل
 عموم دیوان حربلردن ویرینہ جک اعدام قرار لری نک صورت
 اجر اسنہ دائر قانون

مادہ ۱ — حال حربیدہ یا خود مسلحاً و مجتمعاً
 عصیان و وقوعندہ ساحہ حرکات و عصیانندہ کی ادارہ عرفیہ
 منطقہ لرندہ متشکل بالعموم دیوان حربلردن صادر اولان
 اعدام قرار لری اردو و یا قبول اردو و یا خود مستقل
 فرقہ و یا موقع مستحکم قوماندانلری طرفندن بعد التصدیق
 در حال انفاذ اولونور .

رئیس — برنجی مادہ حقندہ سوز ایستین وارمی؟
 تعدیل تکلیفی دہ یوقدر .

مدافعہ ملیہ و کیلی رجب بک (کوتاہیہ) —
 سوز ایستہ یوروم .

رئیس — بو یورک .
 مدافعہ ملیہ و کیلی رجب بک (کوتاہیہ) —

افندم ! قانونک ہیئت عمومیہ سی حقندہ کافی سوز سو -
 یلنمش اولدیمی ایچون بندہ کز سوز آلمق ایستہ مدم .
 فقط ہیئت عمومیہ سنک مذاکرہ سندنہ موضوع بحث
 اولان نقطہ نظر واردر کہ ، برنجی مادہ نک مذاکرہ سی
 مناسبتیلہ بونلر حقندہ کی معروضات جوابیہ می در میان
 ایتک ایستیوروم . اجرا آتی حکومت و حکومتہ مربوط
 اولان اجرا مؤسسہ لرینہ ویرمک صدندہ اولان بویله

محترم آرقداشلرم ! بوتون بر حقیقت مواجہہ سنده،
بر تورک وطنک۔ فلان ولایت و فلان قضانک دکل۔ تورک
وطنک بو بویوک بر عصیاندن تطہیری، وطن و ملتک
بو کونکی حقوق و مدافعہ سنک احضاری یولندہ یز۔
بوموضوع اوزربنہ یورورکن ویوروتولورکن بکا فلان
آرقداش چقار، حقوق بشر نظریاتندن بحث ایدر،
« بونلر دور ایدیلہ ایدیلہ بر کون کلہ جک تشکیلات
اساسیہ مادہ قالما یا جقدر » دیر .

مختار بک (طرزون) — اللہ، اللہ ...

مدافعہ ملیہ و کیلی رجب بک (دواملہ) — لطف
ایدک . جواباً عرض ایدیورم . اگر بو نظریاتخیلرک
فکرلرینک بر طومسی فلاکتی بو مملکتک باشنہ مقدر
ایسہ — نظریات عاجزانہم بویلہ در — نظریاتخیلرک بیلم
فلان کتابک، فلان مادہ سنک بیلم ہانکی عبارہ سی
اوزرنده بر عمای مطلقہ اکلہ نن آدملرک بو مملکتک
حقیقی ادارہ سی باشنہ کچہ جکلری بر کون کلرہ
— فریدون فکری بک عینی افادہ سنی قوللانہ جنم،
تشکیلات اساسیہ قانونندہ مادہ قالمہ جقدر دیور —
نظریاتخیلرک بو نظریہ لرایہ مملکتک باشنہ کچہ جکلری کون
بو وطنک حیاتندن داملا داملا بویریلہ ویریلہ وطن قالمایا —
جقدر و ملت قالمایا جقدر . شیمدی ایچندہ یا شادیغمز حیات
مادیہ نیک افادہ یقینہ سنہ کلورم . بورادہ نہ واردر ؟
قرہ یورویشی ایلہ بیک، یا خودسکز یوز کیلومترہ اوزاقدہ
بر ایلق یولدہ قولالری مجزی تخریش ایدن بر خروش
عصیان واردر . بونک ماہیت حقیقیہ واصلیہ سی ہمز جہ
معلوم اولاجق بر ماہیتدہ در .

دیورزکہ : ای واضع قانون اولان مجلس عالی !
یانغین وار، کوریورسکز، حس ایدیورسکز . حرارتی
یوزیکزی یا قیور . بو یانغینی سوندیرمہ مک و دوام ایتدیرمک
ایچون قوندا قلیق ایدنلر واردر، الیزہ کچمشدر . قانون طریق
و قانون واسطہ سی ایلہ بونلری اعدام اتمک لازمدر و الیزدہ
بر کتاب مقدس واردر و اونلرک ایچندہ بر طاقم نصوص
و مفہوملر واردر . اونلرک بر طرفندہ دیورکہ اعدام حتی

محترم آرقداشلرم ! ہر مملکتدہ — اسم و تشکل
اعتباریلہ موضوع بحث ایتیمہم . فقط طبیعی انقسام اعتباریلہ —
مملکتک حیات عمومیہ سندنہ دائما بویوک بر علاقہ ایلہ
وطن مدافعہ سنک و وطن منفعتک استلزام ایتدیکی
یوللرہ دوغری کیدنلر واردر . فقط بونلرک ہیچ اسمی
یوقدر . دیگر بر قسمدہ واردر کہ بونلر، دمیندہ
عرض ایتدیکم کبی، نظری بر طاقم تلقیلرہ یابیلان
ایشلری تعویق و تأخیر ایدرلر .

اوچنجی بر قسمدہ واردر . پردہ آلتندہ، مملکتک
منافع عالیہ سنی خیانت یوللرنده و منافع شخصیہ اوغرنده
اولامق ایسترلر . ایشتہ بو اوچنجی قسم خائنلر .

مختار بک (طرزون) — ہر حالہ مجلسدہ بویلہ
آدملر یوقدر .

مدافعہ ملیہ و کیلی رجب بک (دواملہ) — بویلہ برشی
تلفظ ایتدہم . سوزیمی بیترمہ دن نهدن بویلہ برومہ
قایلدیکیز؟

مختار بک (طرزون) — ہر مملکتدہ واردر
دیورسکز .

مدافعہ ملیہ و کیلی رجب بک (دواملہ) — مساعده
ایدیکیز سویلیہ جکم افندم . حقیقتدر . ہر مملکتدہ اصل
ووطنپرور بر کتلہ واردر، ہر مملکتدہ نظریاتخیلر واردر .
حقیقتی کورمہ ینلر و حقیقتی طومق، یوروینلرک اتکلرندن
صاریلوب ایلری بہ طوغری کیتمہ لرینہ مانع اولمق ایستہ —
ینلر واردر . بو، بویلہ اولدینی کبی ہر مملکتدہ بوتون
معناسیلہ خائنلر واردر .

ایشتہ آرقداشلر ! بونلردن ایکسی وطن مفہومندہ
متجد و متفق اولمقلہ برابر، تلقیات و نظریاتدن دولایی
اساس فکری قاورایامیہ رق بر واسطہ ممانعت کبی فعالیت
کوسترنلرک بو وضعیتلرندن دائما اوغرض ایتدیکم خائن
کتلہلر و انسانلر استفادہ اتمک فرصت و زمیننی آرارلر
(براو و سسلری) و بو، حیاتک بر افادہ طبیعیہ سی در
و بو بر جماعت ایچندہ، بر جمعیت ایچندہ دائما اولابیلان
شیلدر .

قاوریامیان بچارہ ودربردر دماغہ بردرلو بو حقیقت کیرمیور .

فریدون فکری بك (درس) — بوتعیری قبول ایتم افندم ، قبول ایتم .

مدافعہ ملیہ وکیلی رجب بك (کوتاہیہ) دواملہ — ایستر قبول ایدیکنز . ایستر ایتمه یکنز .

رشدی پاشا (ارضروم) — رجا ایدرم تحقیر ایتمه یکنز .

مدافعہ ملیہ وکیلی رجب بك (دواملہ) — سکانہ اولیور . رشدی پاشا ؟ سن نه قاریشیورسک ؟ سن نه باغریورسک . هر کسک مدافعہ میسک ؟ (کورولتیلر) رئیس — افندم ! سوز ایسنه یکن صیره سی کلنجه سویلر (دوام سسلری) (کورولتیلر) .

فریدون فکری بك (درس) — بن هیچ کیمسه حقندہ مخالف قانون و مخالف آداب سوز سویله مدم ، بچارہ ودربردر دیمدم . بربریزه بویله ...

روشن اشرف بك (قره حصار صاحب) — کرسیده بولنان خطیب محترمی دیکله مک ایسته یورز . هر کس سوز ایستر ، صیره سنده سویلر .

رئیس — بویله هر کس بربرینه اعتراض ایدرسه ایچندن چیقامایز .

مختار بك (طریزون) — أما پاشا حضر تلیری ! بنم سوز لرمدن احکام چیقارم جق موقعدہ دکلسکنز دییور . عینی زمانده (قره تیک) ایدیور . فریدون فکری بکه دربردر دییور . بو دوغریمیدر ؟ بونده وبوملککنده مساوات حتی وارمیدر ؟

مدافعہ ملیہ وکیلی رجب بك (دواملہ) — محترم آرقداشلرم ! یالکنز بر دفعه دکل ، یالکنز بر کون دکل بوتون حیات و عمری بونجه بنم تماش ایتمدیکنز قسمی بز بیلیرز . حقیقتارک افاده ایتمدیکی بوتون ایجاباتک قارشینسندہ عینی تردی بی و عین منظره بی کویستره بنم قناعتیچه دربردردر . او ایستر شو ، ایستر بو اولسون وبن بونی سسویله مش اولمانک بوتون عواقب ،

بندرم . دیگر طرفنده دییور که شیمدی تعریف ایتمدیکنم وضعیت کبی وطنک برکوشه سنده بروصیت حادث اولور واداره عرفیه اعلان اولونورسه اونک احکام وصور اجرائیه سی ایچون قانون یابیلیر .

بویکی ماده نك چاره تالیفی یولارق مجلس عالییه عرض ایدن انجمنجه ، هیئته قارشی نه دینیور بیلور میسکر ؟ دینیور که خیر افندم ، تالیف امکانی یوقدر . نص ایکی طرفده در اما بونده کی مهملدر . بز ، بریکی نصه اعتبار ایدرز و بورایه سکنز یوز کیلو ترمه قره یورویشی ایله برآبلق مسافه ده کی بو حادثه نك فاعللی حقدنه طوتولاجق اوراق بورایه کلیدر . ایلر کچه لیدر . دیوان تمیز عسکری به کیمه لیدر . اویله دکلیدر ؟ حکملاری قضیه محکمه یامق ایچون قرار ویرمک مجلسک صلاحیتی داخلمده میدر ؟ اصلا .. مجلسک صلاحیتی ، صلاحیت تنفیذدر .

فریدون فکری بك (درس) — اوباشقه در . مدافعہ ملیہ وکیلی رجب بك (کوتاہیہ) دواملہ — نه دیمک باشقه . بنم سویلیدیکنم سوزلرک باشقه ماهیتده اولدیغی حقندہ حکم ویرمک موقعدہ دکلسکنز .

افندم ! ایلرجه یولدن بو اوراق کله جک ، بونلر محکمه تمیز عسکریده بیغیله جق ، تدقیق اولوناجق . مجلس عالی بیلیمه یورز هانکی وضعیتده بولوناجق . اوراق بورایه کله جک ، بوراده ، مجلس ، تنفیذ صلاحیتی استعمال ایده جک . نص واردر . بوکا حرمتکارز و حرمتکار اولدیغمز ایچوندرکه او قانونک صاحبی اولان ملتہ وکالة بوراده مجلس عالییه کلش ، دردییزی افاده ایدیورز . فقط بویله بر نص وارکن عدلیه انجمنی دیورکه : دیگر طرفنده بویله بر نص واردر . بو کونکی وضعیتده کورده ایلرجه سوکره انفاذ ایدیله جک اعدام حکملرینک هیچ برماهیت ترهیبیه سی قالماز . بناء علیه عقل سلیمک ، منطقتک امری بودر وقانون ایچون بولدیغمز طریق تالیف شودر . بو ، یالکنز برشیئته اویمایور . نه یه بیلور میسکنز ؟ فریدون فکری بکک اک خفیف تعبیر یله ، حقیقتک ایجاباتی وملتک حیاتک نه دیمک اولدیغی

واسطه سیله وهر هانگی برکوشده اله کچن بیلان ، خائن ومهلاک نه قدر اشخص وارسه بونلری تشکیل ایتک اوزره معامله لازمه سنی یا مقدمه یز . دیگر برطاقم عناصر بوقانونک مهابت وقدمتی قارشوسنده کندی یووالرینک اک درین فرجه لرینه سینمشلردر . ایجاب ایتدیکی زمان اوزری یاقالامق اوزره دخی حکومت تدابیر آله جقدر .

عابدین بک (صاروخان) — مساعده بویورر میسکزر؟
مدافعه ملیه وکیلی رجب بک — مساعده ایده م .
سوز بندر . سوز ایستبورسه کز رئیسدن مساعده آلیر سویلر سکزر .

رئیس — سوز صره کز کلنجه سویلر سکزر افندم .
مدافعه ملیه وکیلی رجب بک — افندیلر! بزات دیدی که اعدام اولیه برشیدر که اجرا اولنورسه تلافیسی نا قابل تضمیندر . افندیلر! برملنک، قوجه برکتله وطنک تهله کده موضوع بحث اولدینی برآنده که بواساس نظریه به حرمتکارم ، انشالله بشریت ایچریسینده تور که دخی مرتبه کاله یو کسه لیر واعدام کبی برواسطه تریه بی ، بوشریتک آفاقی اوزرنده تطبیقندن استغناده ایده جک بروضیته کلیر ، بو وضعیته اولسنی بتون قلمله ایسترم . فقط حقیقت محضه بودکلدر . اعدام ایتک ، انسان قانی هدر ایتکدر . فقط تکمیل برملنک قاننک هدر اولسنی موضوع بحث اولدینی زمانده ، ایجاب ایدن انسان قاننک هدر اولسنه یالکزر کوزیوموق ، راضی اولمق دکل ، اواحکامی وضع ایتک وتطبیق ایتک وطنپرورلرک اک عالی برشعاریدر . اصول وشکله عائد نقطه یه بک اساسلی صورتده عودت ایتک ایسته میورم . فقط هر آرقدباش متفقاً برنقطه ده اصرار ایتدیلر . دیدیلر که بوموضوع بحث اولان تشکیلات اساسیه قانوننک ۸۶نجی ماده سنک معلوم اولان فقره سیدر . اداره عرفیه حالنده احکام ومعاملاتک صور اجرائیه سی و حرب وقوعنده دخی مصونیت وحریتلرک طرز تقیید وتعلیق قانونله تثیب اولونور . عیناً عباره بویله در . عباره عیناً بویله اولدینی حالده مغالطه یاپدیلر . دیدیلر که تکلیف ایدیلن قانونده (حرب وقوعی) تعبیری واردر . یالکزر

ومسئولیت ماده ومعنویه سینه تحمل ایده رم . بنم قناعتمجه ، فریدون فکری بک کبی ، بونون سویلنمش اولاق حقیقتلرک هیچ بریسنی نظر دفته آلمایه رق دماغنده کی فکر ونقطه ثابت نه ایسه اونی برحقیقت کبی هر کون هیئت محترمه یه اوزون سوزلرله وبربلاغت نظریه ایچنده یوندرمق ایسته ین آدملرک دماغنی بنده کز دربردر دیه تعریف ایدرم .

روشن اشرف بک (قره حصار صاحب) — یوتان یوقدر .

مدافعه ملیه وکیلی رجب بک (دوامله) — مقصدم اودکلدر . بو مجلس عالیده برا کثرت واردر . حیات دولت نه در؟ بونک احتیاجی نه در؟ هر کون تیره یه تیره یه اوغراشیر ، تدبیرلر بولور ، بورایه کتیرر . بونلرک برطاقم مقابل افاده سی واردر . حقوق بشر نظریاتی کبی برطاقم عالی شانتاز ونمایش موضوعلری ایچریسینده بو حقیقتی بو مجلسده تخریب ایده مزسه لر دخی حرکتلری مجلسک خارجنده کی محیطده نمایشکار تأثیرلرله بو حقیقت بلیغینی ابطال ایتکه منتهی برحرکتدر . این بونی دربردرلرکله توصیف ایده رم .

عزت علوی بک (قره حصار صاحب) — ملت هز شیئی آکلایور . حقیقتی ملت کوریور .

مدافعه ملیه وکیلی رجب بک (دوامله) — محترم عابدین بک افاده لری ایچریسینده جواب ویرمکده که جک اساسلی بر نقطه اولدینی ایچون کندی سوزلرینه انتقال ایدیورم . بویوریورلرک تقریر سکون قانونی حکومت آمشدر . بر آیدن بری بر شی یایمامشدر . بز ، بوقانون یاپایز کن بورادن سویله دک . یوقسه عابدین بک ، بوقانونی آله جقدر ، جاده لرده قان سیلدری آقه جق دییه می دوشونیورلردی ، بویله بر حرکته می انتظار ایدیورلردی ؟

روشن اشرف بک (قره حصار صاحب) — حکومت جانی میدر ، قاتل میدر ؟

مدافعه ملیه وکیلی رجب بک (دوامله) — قانون

اضطرار اجتماعی تماماً تأمین ایدہ جک بر قانون فورمو-
لیدر و موجود اولان احکام و اساسانہ مطابقت تامہ بی
حائر در . دیوان حربلہ قانون یاقمق حق ویریلیر کبی
بر شیرل سولہ دیلر - کہ ینہ بونی تکرار ایتک حظنی
دویہ جقم - فقط بعض آرقداشر ینہ راحتسز اولہ جقلر
تکرار ایتیمہ ، دیوان حربلہ قانون یاقمق حقنی ویرمک
کبی بر شی ایش ، بوقفایہ نہ دینیر رجا ایدرم ؟ بن
تکرار ایتیمہ جکم .

روشن اشرف بک (قرہ حصار صاحب) - واسفا

دینیر .

رجب بک (ذواملہ) - انقلابک نتایجی ایلہ بوکونکی
تکلیف قابل تألیف دکل ایش . محترم آرقداشر ! بو،
بوکونہ قدر کلوب تکلیف ایدلہ مشدر . وطنک بر کوشہ سندہ
بر آتش چیقمشدر . یایلان تدابیر میانندہ بونک دہ بر تدبیر
اولہرق تطبیقی خصوصی کندی . کندینہ میدانہ کلشدر .
عدلیہ انجمنی نامنہ سویلہ بن رفیق بک آرقداشمزک افادہ
بو بوردقلری وجہلہ بونی یاقمق ، انقلاب نامنہ بر خطادکل ،
بالعکس انقلابی ، نتایج انقلابی ، ثمرات انقلابی محافظہ
ایتک ایچون قوللانسی ضروری و الزم بولنان بر سلاح
مقدس اولہرق طلب ایدلمکدہ در . اوزون معروضاتلہ
موجب صداع اولیمہ یم . قانونک ہیئت عمومیہ بی حقندہ
مذا کرہ نک کفایتہ قرار ویرلمش ، مادہ لہ کچلمشدر .
فقط قانونک روحی بومادہ مند مجدر . بومناسبتلہ عرض
ایدرم کہ بومادہ نک ردینی تکلیف ایدن آرقداشر بلکہ فرقدنہ
اولمایہرق بالنتیجہ حکومتک ، ملتک باشندہ کی بو بونک مشکلاتی
رفع ایتک ایچون تھویہ واکال ایتک ایستدیکبکی تھدیدوترہیب
قابلمتنی کندینسہ ویرمہمک نتیجہ سنی و یولنی ایستہ مش
اولویورلر . نتیجہ حقیقیہ بودر . بناء علیہ حاصل اولان
وضعیتک جبری تحتندہ ، ایستدیکمز بوصولیت بوکون
موجود اولان محلی محاکمہ بولمدینی تقدیردہ بو قوت
حکومتک لندن آلمش ویاخود حکومت بو ترہیب قوتیہ
تجهیز ایدلہ مش اولہ جقدر کہ بودہ انقلابک نتایجہ سوء
تأثیر ایدر . بناء علیہ ، مادہ نک عیناً قبولنی رجا ایدرم
(رأیہ سنساری)

حرب وقوعندہ مصونیت وحریت لربک تقییدی
موضوع مجندر . یوقسہ احکام و معاملاتک صور اجرائیہ سی
جربہ شامل دکلدر . افندیار ! الکزده کی مطبوع تکلیفی
اوقویبکیز ، اونک ایچریسنندہ ادارہ عرفیہ سز بر حرب
وضعیتندہ ، احکام و معاملاتک صور اجرائیہ سنہ عائد ،
یایلمش بر حکم و بر مفهوم وارمیدر ؟ کرچہ قانونک
باش طرفندہ حرب وقوعندن بحث ایدیور . حرب وقوعی
ویامسلحاً و مجتمعاً عصیان ظہوری حالندہ کی ادارہ عرفیہ
چونکہ تشکیلات اساسیہ قانونی موجبیجہ باشقہ بر
ادارہ عرفیہ واردر . حرب یوقدر ، مسلح عصیان
یوقدر . مجتمعاً وقوع بولمش عصیان یوقدر . فقط شو وار کہ
عصیان وقوعنہ عائد علامات و امارات و سائرہ یہ ٹائد
قانون مخصوصندہ کی مادہ واردر . دیمک کہ اونوع ادارہ
عرفیہ اعلان اولدینی وقتدہ بوصولیتلرلہ مجہز دیوان
حربلر اولیمہ جقدر . یانہ وقت اولہ جقدر ؟ یا حرب موجود ،
یا مسلح و مجتمع عصیان موجود بونلرلہ برابر ادارہ
عرفیہ اعلان ایدلمشدر . صورارم آرقداشرلہ ! حرب
حالندہ ویامسلح و مجتمع عصیان حالی بوکون اولدینی کبی
یاخود اللہ کوسترمہ سون ، یارین اولہ جنی کبی بویلہ بروضعیتک
وقوعی حالندہ آیلرچہ ویاخود کونلرچہ اوزاق مسافندہ
بولنان دیوان حربلرک ویرہ جکی حکملر برای تدقیق
بورایہ کلیر . آیلرچہ سورینیر ، محکمہ تمیزہ کیدر ، تکرار
بورایہ کلیر و صکرہ تنقید اولنورسہ بونک نہ اہمیتی قالیر ؟
وعصیان کوکندن باصدیرمق خصوصندہ مجلہ ایدلمدیکبکی
تقدیردہ اونک تأثیراتک و عواقبتک مملکتہ یوکلہ نہ جکی
مادی ومعنوی ضرر نہ ایلہ قابل تضمیندر ؟ شو حالہ
شکلی و اصولی اولہرق تمامیلہ قانونی بر افادہ یہ تطابق ایدن
بر طرزنی انجمن بولمشدر . اولہ یایلز کہ ایکی بوز آرقداشدن
بر قاچ کشی بونک تطابق قانونیسنندہ تردد ایدر . ذاتاً بز
ہانکی قانونی مذا کرہ ایستدیکمز زمان ایچمزدہ اوج ،
بش ، اون ، یکریمیز ، باشقہ درلو دوشونمش اولمہ سون !
فقط انجمن بونی دوشونمشدر و بونی بولمشدر .
و بوکون ایچندہ یشادیغمز حیاتک بزنی سوق ایستدیکبکی

رئيس — افندم ! كفايت تقررئ و اردر .
 فريدون فكري بك (درسم) — شخص موضوع
 بحث اولمشدر رئيس بك !

رئيس — افندم ! ماده نك له و علم بنده سوز سويلند كدن .
 صكره كفايت تقررئ رايه قوناييلير . لهده يالكز
 رجب بك سويلدى . علم بنده سويله تجيه قدر صره ايله
 سوز آلانله سوز ويره جكز . عابدين بلكه فريدون
 فكري بك شخصلري موضوع بحث اولدقارندن سوز
 ايسته يورلر . اولره ده صكره دن صره ايله سوز ويره جكم .
 بيوريكز كاظم قره بكر پاشا !

كاظم قره بكر پاشا (استانبول) — محترم آرقداشلا!
 بوكون شرفده ظهوره كان حادثه ني بزرا آخج غزته لوده
 برچرچوه داخلنده او قوبور و آكلايورز . شوقانون
 برچجق كون فرقه ده مذاكره و مناقشه ايدليكي حالده
 بوراده ياريم ساعت ظرفنده ايكي خطيب آرقداش-مرك
 مناقشه سنه تحمل كوستره مكم چوق انصافسزلق اولور .
 بوكون اك شديد قانوني حكومتكز اننه آله رق بوتون
 مطبوعات نوصممشدر ، هرشي نوصممشدر ، هر كس تماميله
 نوصممشدر . شو حالده حراوله رق ملت و كيللرينك فكري
 بيان ايده جكي آخجق بو مقدس كرسي قالمشدر . بوني دده
 بوراده مدافعه مليه و كالنتي اشغال ايدن رجب بك افنديك ،
 غايت شديد بياناتيله و خطيب لره قارشى شخصى تجاوازييله
 تاثير ياهرق تهديداتمسي ظن ايدر م كه خيرلى برايش اولماز .
 شو وقعه حادث اولديغندن برى پارچه ، پارچه قاچنجي
 قانوندر كه حضور عاليكزه كليور . باقورز بر قانون كليور ،
 ايرتسي كون دور يورز ، صكره ايكنجى بر قانون كليور . افنديلر !
 بو حادثه يكي رحادثه دكلدر . انشاء الله يقينده مسئله بيته جكدر .
 بيند كدن صكره ده ايني تشریح اولنور . او وقت
 بنده كز كده سويله جك سوزلرم و اردر . بو حادثه ،
 چوق اولدن برى معلوم اولان حادثه ايدى . فقط يوني
 حكومت بلكه چيقار تيرمايه بيليردي (كورولتور) .
 مساعده بيورو و كز افندم (كورولتور) . بنده كز صكره
 سويلرم . مادام كه حقيقه مشدر ، حكومت اك شديد قانونلريني

حضور عاليكزه بر دفعه ده كتيرز و بر دفعه ده مناقشه سويله
 بورادن چيقاره بيليردي . بر كون استقلال محكمه سي بر چوق
 مناقشه لر بر چوق زمانلر صرف ايديله رك حل ايديلور .
 اداره عرفيه ده بو طب ايديلن صلاحيت ؛ شرق مسئله سي ،
 كرد مسئله سي و يا خود ارجاع مسئله سي دكلدر . مادام كه
 بوقانون بر كره حضور عاليكزه قبول ايديلوب چيقور
 هر نرده اداره عرفيه اعلان ايديليرسه يعنى اك منور
 منطقه دخى عيناً تطبيق ايديله جكدر (عصيان چيقارسه
 سسلرى) ، (خاير سسلرى) . بوندن دولاي (كورولتور)
 مادام كه ديوان حرب عرفيله بو صلاحيت و يريلور و اداره
 عرفيه اعلانى حقه ده حكومه بخش ايدلمشدر ، بونرك
 هپسى سلسله ظهوره كله بيلور . بوندن بر آرقداشكز
 بحق اندیشه ايده بيلير و آرزو ايتديكي شيلري سويلرسه
 بوندن دولاي اونك شخصى متأثر ايده جك تهديدكار
 بر طبق سوزلر سويلنمه مليدر . ظن ايدر م ، علمى اوله رق
 آرزو ايديلن جوابلر و يريلور (تهديد يوق سسلرى) .
 روشن اشرف بك (قره حصار صاحب) — كيم معصوم

قانى ايله آلئى بولاشد يرمق ايستر پاشا حضر تلى ؟

كاظم قره بكر پاشا (دوامله) — بوكون عصيان
 ايدلره بوتون شدنى كوستر م و بونلري غايت آزر زمانده
 احيا ايتك هر تاموسلى انسانك تماميله آرزو ايتديكي بر شيدر .
 روشن اشرف بك (قره حصار صاحب) — او حالده منور
 محيطلردن نيچون شبهه ايديبورسكز ؟

كاظم قره بكر پاشا (دوامله) — مساعده بيوريكز
 افندم ! عرض ايتديكم مسئله ، حكومت م ترك ، يابه جنى
 ايشى دفعه كتيره رك مدافعه ايتيويده هر كون پارچه
 پارچه قانون كتيرمسي در . قانونلر كليور ، بر قاچ آرقداشمز
 چيقور ، مطالعه انده بولونيور . صكره بوكون مدافعه مليه
 و كالنتي اشغال ايدن آرقداشمز كليور ، كال شدت
 و تاثير ايله و آجي آجي لافلره حيمدن و وطنه قارشى
 ياللمش اولان خدمت لردن بحث ايده رك آلئم اتها مانده
 بولونيور . هر كسك بو وطنه قارشى ياپمش اولد يني بر
 خدمت و اردر ، يابه جنى بر خدمت و اردر ، طبيعى او كا

سڪون قانوني ڪه - مجلس عالين چيئه شيدر - مملڪتڪ آسائشي ، سڪوتی اخلال ايده ناره سوز سويلتمز . فقط تنقيد ومراقبه سربستدر . مطبوعات صوصمشميدر ؟ بوآهام دگليدر؟ حریتی ، آهام دگليدر ؟ حكومتی آهام دگليدر؟ ناموسلی برا کثرتی .. (كورولتولر)
رئيس - سويلر سگنر ، جواب ويررلر . (كورولتولر) .
روشن اشرف بك (قره حصار صاحب) - دهانه
سويليه جكار افندم ؟ (كورولتولر)

رئيس - بويورك فريدون فكري بك!
فريدون فكري بك (درسم) - محترم آرقداشار!
مجلس عالينك حقوق حریتنه وبو كرسينك ملتہ تأمين ايتديكي حریتنه استنادا كمال ادبله ، كمال حرمتله هيئت جليله كز حضورنده معروضاتده بولوندم . تريبه خلافده ، ادب خلافده هيچ بر سوز سويله مدم . هيچ بر ذاته مخالف ادب اوله رق بر خطابده بولنهدم . بويله بروضعت قارشوسنده صرف قانوني اوله رق تشكيلات اساسيه قانوننه مخالف اولان جهتي ، كندی قناعت علميه مه موافق بولميان جهتي دلائل قانونيه به استناد ايتديره رك عرض ايتديكمه هيئت جليله كزك وجدان پاكني استشهاد ايدرم . حسب يادنن ممكن اولديني قدر متجرد اوله رق صرف علمي برلسان قوللانديقم حالده رجب بك افندي بنده كزه قارشو (دربردر) تعبيريني استعمال ايده رك ..

مدافعه مليه وكيلى رجب بك (كوتاهيه) -
دماغنه ديدم .
فريدون فكري بك (دوامله) - دماغنه دربردر ديمكه دوعري اولميان برشي سويلديلر (خندملر) .
افنديلر ! اكر بويله بربريمزه ويادماغنزه قارشو دربردر ديه جك اولورسحق هر كس بربرينك دماغنه دربردر دير او وقت دنياده حریت مناقشه ، حریت كلام قالماز .
بن افاده لرمده بر دربردرلك كورميورم . رجب بك ده كذا افاده لرنده بر دربردرلك كورمز . بن رجب بكك بوكونكي افاده لرنده بر انتظام كورمدم و دربردر كوردم ديمم .

ادراكي ، شعوري ، منطقي راستقامت كوسترمكه چالشسيور . بناه عليه بربريمي رنجيده ايديوب بربرينك قلبني زهرليه . جكمزه هر كسك فكريني بو كرسيدن هيچ اولمازسه سربست اوله رق عرض ايتمه سنه مساعده كزري رجايدييورم .
بحريه وكيلى احسان بك (جبل بركت) - مساعده بويوروكز . بك اهميتلى بر مسئله موضوع بحث اولمشدر . مخالف فرقه نك ليده ري « حرکات عصيانيه نك وقوعندن اول معلوماتز واردی » ديورلر . نيچون حكومتی خبردار ايتمه مشلردر واستقلال بحكمه سنه بو حرکات عصيانيه نك عواملی حقتنه نيچون معلومات ویرمه يورلر ؟

روشن اشرف بك (قره حصار صاحب) - ملتك آچيق كرسيننده سويليه ميه جكم سوزلر واردر ديديلر . دعوت ايدسيورلر ، سويليه جكارني نه در ؟ آچيق سويله ماري لازمدر . نيچون هر طرفده حریت تحديد ايدلمشدر ؟ تحديد ايديلن حریت دكل آنارشيدر . غزته لرده يازابيلير ، هر برده هر كس ده سويليه بيلير ، بوني زهدن چيقار يورلر ؟
رئيس - روشن اشرف بك ، رجايديرم . آكلايه .
مديغكز محتاج ايضاح يرلري وارسه صورارسكز .

روشن اشرف بك (قره حصار صاحب) - پاشا حضرتاري ! آهام فجيعدر . عادتا حكومتك اللري قانله ملمعدر ، شوني آصه جقدر ، بوني كبه جكدر ، ده نيور ايجمزه بوني قبول ايدن انسان وارميدر ؟

رئيس - اويله سويله ين يوقدر افندم ، سويله مش اولسه لر در حال كرسيدن كيري آلديريرم . يعنى حكومتك الی قانله ملمعدر ، ديه برشي سويلنمش اولسه در حال كيري آلديريرم . حكومتك الی قانليدر ، هر كسي بوغا جقدر ، بويله برشي سويله ديكزمي ؟
كاظم قره بكر پاشا (استانبول) - خاير .

روشن اشرف بك (قره حصار صاحب) - اويله برشي علنا سويلنمش دكلندر . فقط ...

بحريه وكيلى احسان بك (جبل بركت) - رئيس پاشا ! « مطبوعاتی صوصدورديكز ، مخالفتي صوصدورديكز ، كرسيني ده مي بوغفق ايسته يورسكز » ديورلر ، تقريير

بیاہر . ہم سوزلرم قانونی بر افادہ در . قانونک بیتدیکی
ردہ ہمہ قدرتم بتر .

فالحرفقی بك (بولی) — بزم خطیلمیزدہ سویلیہ جك .
رئیس — عابدین بك ! سزہ شخصكز موضوع
بحث اولدی دیہ سوز ویردم .

عابدین بك (صاروخان) — شخصم موضوع بحث
اولدی دیہ یاكلش آكلاشیلمشدر . شخصمدن بحث
ایتدیكزمی افندم ؟

مدافعہ ملیہ وکیلی رجب بك (کوتاہیہ) — خایر
افندم .

عابدین بك (صاروخان) — افندم! مادہ حقندہ سوز
سویلیہ جكم .

رئیس — مادہ حقندہ کافی درجہدہ سوز سویلندی
شخصی موضوع بحث اولان فریدون فکری بك دہ سوز
سویلہ دی . (کافی سسلری) . کفایت تقریری واردر .

مدافعہ ملیہ وکیلی رجب بك (کوتاہیہ) —
افندم ! کاظم قرہ بکر پاشا حضرتلری یکی بر موضوع

مذا کرہ احداث بووردیلر . مساعدہ عالیربلہ کندیلرینہ
عرض جواب ایده جكم . بردفعہ کرسی بہ چیقار چیقماز سوزلری

مطبوعانہ تعلق ایتدی . اویلہ آکلا یورم کہ تقریر سکون
قانونی مذا کرہ ایدیلر کن محترم پاشا حضرتلریلہ آرا مزدہ

عادتا بر کرسی مصادمہ سی جریان ایتدی . بو موضوع
بو مناسبتلہ موضوع مذا کرہ بی ، پاشا حضرتلری عینی

نقطہ بہ ارجاع ایتك هوسندہ بولونیورلر . بندہ کز بو
بابدہ یکی شیر سویلہ مک ایستہ میورم . بو بابدہ کی معرو-

ضاتم مواجہہ ملندہ وقوعبولمشدر . یالکز کاظم قرہ بکر
پاشا حضرتلرینک حالا یورہ کندن آجیسی چیقما دیغنی

ظن ایتدیکم مطبوعات مسئلہ سی کہ بندہ کز بو کون ،
بو مملکتدہ مطبوعاتک ناموسلی ووطن مفهومی داخانندہ کی

حدودی اوزرنده مطبوعانده چالشمق ایستہ یئلرہ اک آچیق
برساحہ حریت دائما کشادہ در . مملکتک حضور و سکوتی ،

حیات و ناموسنی ، قدرتی ، شوکت و عظمتنی ، شوکت داخلہ
و خارجہ سنی ، شوویا بو صورتلہ اخلاک ایتك ایستہ بن و دولت

افندیلر ! دنیا دہ بر آدمی الزام ایتك ایچون اک قوتلی
شی ، دلیل منطقی بی ، دلیل منطقی ایلہ جرح ایتکدر .

بزم عدلیہ مزدہ استعمال ایتدیکمز تمیز موجنبجہ دفع
قانونی ایلہ جواب ویرمک لازمدر . ہیئت جلیلہ کز

بو کون اک ممتاز ممثلردن مرکدر . بو ذوات کرامک
عقل سلیمی واردر . بن مخالف عقل ، مخالف منطق

بر مطالعہ درمیان ایتش ایسہم ، او مطالعہ می
دلائل حقوقیہ ایلہ جرح ایتك لازمدر . بویلہ

اولمارسہ سو کرہ ہم وضعیم بالطبع سکوت موقعندہ قالیر .
حالبوکہ ، بندہ کز بو کون شورادہ وجدانلہ حس

ایدیورم کہ نہ مدافعہ ملیہ وکیلی بك ، نہ دہ دیگر عدلیہ وکیلی
نامنہ سویلہ بن بك افندی بندہ کزک سؤلہ جواب ویرمہ مشاردر .

عصیان منطقہ سندہ آسایشی تأمیندن بحث ایدیورلر .
افندیلر ! عصیان منطقہ سندہ تأدیبات اجراسی ،

ادارہ عرفیہ اعلانی و احوالیدہ آسایشک تأسسی ایچون
بو تون اتخا ایدیلن تدابیرہ ، استقلال محکمہ سہ ویریلہ جك

اعدام حکمی مستثنا اولق اوزرہ ، ہمیز اشتراک ایتك .
تقریر سکون قانونی درمیان ایتدیکمز اسبابہ بناء قبول

ایده مدك . چونکہ ؛ اوندن اول فتعی بك افندی بو
ایشک ، بك اعلا طرق قانونیہ دائرہ سندہ تسکینی قابل اولدیغنی

درمیان ایتدی و مجلس عالی دہ قبول ایلدی . شیمدی رجا ایدیورم
بورادہ حریت مناقشہ وارمیدر ، یوقیدر ؟ حریت مناقشہ

وارسہ ، بزیرمک شخصنہ ، دماغنہ ، مطالعانہ قارشو
جریحہ دار ایدیجی تعیرات قوللانقمده فائده اولمز .

افندیلر ! بزم بورادہ سویلہ مکلمز حریت فکریہ نک
موجودیتنہ دلالت ایدر . صوصمق دها فنادر ، کرسی بہ

چیقامیورار ، چیقارلر سہ حقارتہ معروض قالیورلر دیدر تمک
ایستہ میز . بر آدمہ در بدر دیرسہ ک... (کورولتیلر) مساعدہ

بو یوریکز رجا ایدرم بك افندیلر ! بندہ کز بورادہ مخالف
قانون اولارق نقطہ نظر مک خلافتدہ بر مطالعہ درمیان

ایده ہم . یالکز قناعتی اظهار ایده بیلیورم . بناء علیہ
رجا ایدرم ، بن شخصم نامنہ قبول ایتمیورم ، اما رجب
بك افندی سوزلر بندہ اصرار ایده بیلیر ، دها زیادہ سویلہ بہ-

برقصورم، خیزی سولمکدر جدی تلقی ایتدیکم شیلری
صمیمی سویلرم اچیق قلبلی برانسان، دوغولری
نصل سویلرسه اوله سویلرم

بر مجلس جامعه سی ایچروسنده و بویوک برمسئولیت آلتنده
آرقداشلق ایدیوروز. اولجده عرض ایتشدم. بومجلس
برعلم افاده مینسی دکدر. بوراده، یالکز علمک، کتابک
یازیلری دکل. مملکت اداره سنده بولنان آدم برده اولدیغی
وجهله - قلمزک صدمه لرینی، تحسناتمزک قدرتی افاده
ایتمک اوزره، افاده لریمزده بعضاً برافاده می ایچون حدود
معاشرت، بعضاً نزاکت عد ایدیلن شینتی تجاوز
ایده بیلیرز، بونی بربریمزه قارشی اعتراف ایتمک مجبوریتنده یز.
بونی بوراده سویلرکن، هیچ برآرقداشه قارشی شخصی
بردوشونجه ایله حرکت ایتش دکدر. کاظم قره بکر پاشا
حضرتلری تجاوز دیدیلر. اصلا تجاوز ایتمدم و اصلا
تجاوز ایتمم! و تجاوز عد ایدن اولور و یاخود تجاوز
ماهیتده بولنه چق جرکم اولورسه درحال اونی تضمین
وتعمیر ایتمک - هرکیم اولورسه اولسون - ایجابات فضیلت
واخوت اوله رق بونی ادا ایتمک هر دقیقه حاضریم. افندیلر!
بو مناسبتله شو حالت روحیه یی ده عرض ایدیم. ظالم لر،
مظلوم لر مفهومی واردز. بشریت کندیسنی حقلی کوسترمک
ایستین اقلیتلر - بوتون دنیا ده بویله در - تورکیه ده دخی
یالکز فرقه لرده دکل، جماعتلر ده، کتله لرده میلیونلردن
مرکب بشریت کتله لری ایچروسنده بو قائمدر. اقلیت
کندیسنی معقول و مقبول کوسترمک ایچون بر سلاحه
مراجعت ایده بیلور. اوده مظلوم و معصوم کوسترمکدر.
بزم اقلیت آرقداش لر مزده هم الاسف بورولی عجمیجه اجرا
ایدیورلر (خنده لر). اولنرک نظر ننده بوراده برا کثرت
ظالمه واردر، سوز سولتتمز، تجاوز یاپار، فالق یاپار، صوصد -
یرز. مثلاً بسیم بک آرقداشمز برکون بورایه چیقمشدی،
اوج بش آرقداشمز کورولتو ایتدیلر، بو هر زمان
اوله بیلر. بوکا قارشی: افندیلر! بی صوصد بر مقعی
ایسته یورسکز، حقیقتی چیکنه مکمی ایسته یورسکز دییه
باغیردی. عینی تقرات هر کون بو آرقداش لر طرفندن

نفوذینی و دولت اوتوریته لرینی کوکندن تخریب ایدرک،
بیله رک، بیلمیه رک شیرلره میدانی بوش بر اقق ایسته یلره
قارشو مطبوعاتک یالکز. بویوللری طیقنا مشدر. کاظم
قره بکر پاشا حضرتلری کبی نظام و انتظام کبی بر دولتک
حیاتنه مدار استناد اوله چق فکر سکون واستقراری الک
آنی آکلامش اولق موقعنده بولنان برذاتک، معکوس
برساحه ده، معکوس برزاویه رؤیتله کورمش اولم لرینی
مساعده لر یله سویلیه حکم. دولت اداره سی نقطه سندن
آره مزده کی چوق متبازر اولان فرقره حمل ایدیورم.
یالکز دیگر طرفندن ده در خاطر ایدیورم که کاظم قره بکر
پاشا حضرتلری اجرات موجوده و ماضیه لری ایله
دولتک الک مشکل آنده ان قوتلی بر صورتده بر دولت
مؤسسه سنک نصل حرکت ایتسی لازم کلدیکنی فعلاً
تطبیق ایتش برذاتدر. بویله اولدیغی حالده بوکون،
وطن جامعه سی یرر، زمان زمان صارصمده اولان آجی
ومخراب جریانلره قارشو تحفظ اوله رق قومش اولان
قانونی، مطبوعات لهنه اوله رق تنقید ایتمک فرصتی
بوکرسیدن فوت ایتمه لرینه تعجب ایتدم.

افندیلر! تورکیه ده حریت واردر. تورکیه ده ناموس
بورجی آکلامش اولانلر ایچون حریت ابدیاً نامحدوددر.
(براوو سلسری). فقط، ناموس و ناموسلرینت متکاسی
اولان دولت بنیه سی کوکندن قلع ایتمک اوزره خارجی
دشمانلره قارشی ضعیف بر زمین احداث ایتمک طریقه
کیدنلره قارشی حریت دکل، حیات یولی قپانمالیدر.
حیات یولی قپانما دقچه وطنک حیاتی و وطنی تشکیل ایدن
افراد ملتک حیاتی قابل محافظه دکدر. بزبو نظریه ده،
بو فکرده، بو ایمانده و بو تطبیقانده بولنان انسانلر
(آلقیشلر).

خطیلره تجاوزدن بحث ایتدیلر. قطعاً قبول ایتمم.
فریدون فکری بک ده ده مینسی سوزلریمی تجاوز عد
ایدرسه کندیسنه الک صمیمی حسسه له رضیه و برمه
حاضریم افندیلر. بن هیچ کیمسه یه تجاوز ایتمدم.
هر فطرتک کندیسنه قارشی بر یارادیشنی واردر بنم

بر تجاوز عد ایتک ایجہلکنی کو سترن کاظم قرہ بکر
 پاشا حضرتلری حکومتہ و ہر کون حسانی آلمقدہ
 اولدینی زمرہ قارشی، بو فلاکتارک مسیدلری
 سزلسکزر، اثبات ایتک ایچون بو کونک فوق العادہ لکنک
 استلزام ایتدیکی سکوتی محافظہ ایدہ رک کونی کلدیکی وقت
 حسانی سزدن صوراجم دیور. ناحق یرہ سوزلری
 بر تجاوز تلتی ایدن کاظم قرہ بکر پاشا حضرتلری! مقیاس
 معاشرتہ و مقیاس تراکتہ، عجبا بو تجاوزک حدودی
 نہدر؟ کندیسندن بونی صورارم؟ محترم آرقداشلر!
 دنیاک الک عالی واکاصیل بر ملتہ وکالہ بورادہ ہر بریمز
 ایفای وظیفہ ایدیوروز و بزلی مأمور ایتدیکی کتر حکومتک
 آغیر مسئولیتل وظیفہ سنی کیجہ و کوندوز او یومہرق
 اقتدار مزدر جسندہ ایفایلہ مکہ و اونی حسن ادا ایتکہ چالیشیو-
 رز. بونک مکافاتی؛ اور تہدہ بوق ایکن، بو کونکی حادثہ نک
 مسیدلری سزلسکزر دیہرک یوزومزہ قارشی باغیر مقعی در؟
 بوندہ نصفتک و حس اخوتک استلزام ایتدیکی الک کوچوک
 مرتبہدہ بر حدود معقول قابل تصور میدر؟ تہدیدکار
 سوزلر سویلدی کمز دن بحث بو یوردیلر، ہیکز شاہد سگزر،
 تہدید بشقہ شیلر در. اولہ بیلر کہ کاظم قرہ بکر پاشا حضرتلری
 بر سہو تلتی ایلہ ہم در بدر سوزیمی بر تجاوز تلتی ایتمشدر
 و یا خود بشقہ درلو تلتی ایتمشدر. بونی افادہ ایتد کدن صکرہ
 تہدید ایدیور سگزر دیورلر، افندیلر! نہ ایلہ تہدید ایدیورم. اولہ
 ایسہ اونلرک سوزلر نہدہ متقابل تہدید واردر، قوللاندیغیر
 یکانہ واسطہ، کرسیدہ کی افادہ مدن عبارتدر. دہمین
 عرض ایتدیکم کبی، کرسیدن خیزلی سوبلہ یورسہم فطری
 قابلیتہ بودر. جدی آلدیغیر بر مسئلہ نی یاواش قونوشامام
 و بونک یوزندن بوغاز. خستہ لقلری کچیر مشمدر. فقط
 الہ دکلدر. معلوم عالیکز، ہر کسک بر سیاسی، بررنکی،
 بر خط دستی، بر اداسی، بر افادہ سی واردر. نصیحتلرلہ
 بودہ کیشمز، ہر کسک یارادیلشی نہ ایسہ، سیاسی نہ ایسہ،
 یارادیلشی، سیاسی رنکی اودر. مشواری اوندن عبارتدر.
 علی فؤاد پاشا (آقرہ) — یارم ساعتدن بری نصیحت
 ویریور سگزر، وضعیت حقنہدہ براز معلومات ویرسہ کز
 داہا انی اولور.

تکرار ایدلمکدہ در. بز، مخالفتہ حرمتکار برا کثرتیز
 و مخالفلرک حق کلامنی، حق حیاتی تصدیق و تسلیم ایدن
 بو مملکتک بو عنعنہ نی تأسیس ایدہ جک بر مرتبہ فضیلتندہ
 اولدیغمز ی بوتون حیاتیلہ فعلاً اثبات ایتش بر فرقہ یہ
 منسوب.

رفیق بک (قونہ) — افندم! بوتون اکثریتک
 موجودیتہ، بوتون تشکیلاتہ تجاوز ایتدیکی حالہ اونک
 سوزنی کسندیکمی؟ ایجاب ایدرسہ اونی قالدیررز، کرسیدن
 آنارز. بوتون اکثریتک موجودیتہ، مقدساتہ کاظم
 قرہ بکر پاشا تجاوز ایتمشدر، بو تجاوز قارشیندہ نہ یابدق؟
 حالامی تجاوز دن بحث ایدیورلر (قانون وارسلری).
 مختار بک (طرزون) — بو، کرسیدن آتق
 سر بستمیدر؟

رفیق بک (قونہ) — مملکتک حیاتی موضوع بحث
 اولدینی وقت مجلسلردہ اونلر دخی اولمشدر.

مختار بک (طرزون) — اولہ ماز افندی، اولہ ماز!
 رجب بک (دواملہ) — افندیلر، ینہ افادہ لرینہ

کورہ: «حر اولہرق بو کرسی قالمش ایتش، بونی دہ
 صوصدیر مایکز» افندیلر! نہ قدر آغیر بر اتہامدر.
 بونی، یالکز کندی مقابللری اسکات ایتک
 و حقسز کوسترمک ایچون بر پروباغاندا ماہیتندہ
 عد ایدوب مسئلہ نک بو نقطہ سی اوزرنده توقف
 ایتک ایستہ میورم. محترم پاشا حضرتلری دہ آغیر بر اتہامدہ
 بولندیلر. محترم احسان بک آرقداشم بحق سکونتلری
 محافظہ ایدہ میہرک در حال بولندقلری ردن جواب ویردیلر.
 کاظم قرہ بکر پاشا حضرتلری بو یوردیلر کہ (حکومت
 بونی وقتندن اول بیلیدی. دفع ایدہ جک اسباب و تداییرہ
 مالک ایدی) افندیلر! بو نہ آغیر بر اتہامدر. مخالفلر
 موقع اقتدار دہ کی حکومتلری دائماً تنقید ایدرلر و دائماً
 اونلرک خطالی نقطہ لرینی افادہ ایدرلر. فقط محترم آرقداشلر!
 تنقیددہ، حکمدہ، اتہامدہ دخی بر جد معروف
 واردر. ہم بو کون فریدون فکری بکہ در بدر در، سلسلہ
 کلامندہ انتظام یوقدر. معناسنہ در بدر دیدیکمی

افادہ ایلمشدر. بناء علیہ کنڈیسٹک بو باندہ کی معلوماتی استقلال محکمہ سنہ و حکومتہ تودیع ایلمسنی سلامت مملکت نامہ تکلیف ورجا ایلم . سینوب مبعوثی رجب زهدی

ریاست جلیلیہ

برنجی مادہ نك بروجہ آتی تعدیلنی تکلیف ایلم : مادہ نك [بالعموم دیوان حربلردن] فقرہ سنندن صکرہ [بالفعل و مسلحاً عصیانہ اشراك ایلدنلر حقتندہ صادر اولان اعدام قرارلری اردو و یا قول اردو و یا خود مستقل فرقه و یا موقع مستحکم قوماندانلری طرفندن بعد التصدیق در حال انفاذ اولنور]

بروسہ

عثمان نوری

(آکلاشلمادی سسلری) ، (فرقی نہ در سسلری)

مدافعہ ملیہ و کیلی رجب بك (کوتاہیہ) — بو باندہ

سوز سویلنہ مشدر . سوز ایسترم .

رئیس — بالآخرہ ویرم . شمدی رجب زهدی

بکک برقریری وارد . بو تقریر تمنی ماہیتندہ در .

احمد حلمی بك (قیصری) — رئیس پاشا ! بو کرسی

سربستدر . بو کرسیدن سویلہ نیلن سوزلر ایلم استقلال

محکمہ سنی تألیف ایتمک آتی ایچون تہلکلی برچیغیردر .

بناء علیہ بوجہتی نظر دقتہ آلمق لازمدر .

رئیس — رأیہ قویہ جق دکلم افندم .

کاظم قرہ بکر پاشا (استانبول) — آرقداشلر !

بندہ کز عصیانک مسببی حکومتدر ؛ و یا خود مسببی

شودر ، بودر ، دیبہ برشی سویلہ مہدم . حکمت حکومت

بوکی وقایعی . . .

رفیق بك (قونیہ) — ہر طرف صوصدیراشدر

دیعمہ دیکز می ؟ (کورولتیلر)

رئیس — بو صورتلہ مذاکرہ دوام ایلمہ من افندم .

مختار بك (طرزون) — بزم کی فرقہ نك نفرلری

اعتراض ایلمرہ آکلارم ، آما فقط فرقہ نك - رئیس

بویلہ ہر وقت مداخلہ ایلمرہ ؟

رئیس — افندم ! او دائماً اویلہ حرارتیلدر .

(خندہ لر)

رجب بك (دواملہ) — وضعیت حقتندہ صور دیغکز زمان ایجاب ایلمن معلوماتی ویرم . متجاوزہ تہدیدکار دہ نیلن سوزلرہ قارشی جوابدہ بولنیورم .

علی فؤاد پاشا (آتقرہ) — نصیحتدن بحث ایتمدیگز دہ

اونک ایچون سویلیورم .

رجب بك (دواملہ) — دفع قانونی ایلم جواب

ویرمک اسلم طریقہ در ، دیدیلر . سوزلریمز کنڈی سوز -

لرینک ایجاب ایتمدیگی جوابلرہ مقصود دکلدر ،

یالکزم منطقہ لرینی و طرز تفکر لرینی تنقید ایتمش دکلز .

تطبیقات قانونیہ نقطہ نظرندن بو قانونک استناد ایتمدیگی

اساسلری تنقید ایلمن فکر لرینہ دخی جوابلر

ویرمشدر . ویردی کمز جوابلر میداندہ در . حکومت

اولا برتفسیر طلب ایتمدی ، انجمن بونی تفسیر طریقہ ایلم

موافق کورمہ دی ویدی کہ تشکیلات اساسیہ قانونک بر مادہ

سندہ اعدام صلاحیتندن بحث ایلمکدہ در . دیگر مادہ سندہ دہ

عرفی منطقہ لردہ احکام و صور اجرائیہ ایچون قانون مخصوص

یاپیلر ، دہ نیکدہ در . ایستہ بوندن دولاییدر کہ بو کونکی

مقصدک استہداف ایتمدی کمز غایبی تأمین ایتمک ایچون بویکی

نصک نقطہ تألیفی اولق اوزرہ مادہ کلشیدر . فضلہ

معروضاندہ بولنہ جق موضوعم یوقدر . مادہ نك قبولی

رجا ایلمر .

ریاست جلیلیہ

مذاکرہ کافیدر . مادہ نك رأیہ قونیلمسنی تکلیف

ایلمر .

العزيز

حسین

رئیس — افندم ! اولاً مذاکرہ نك کفایتنی رأیہ

قویہ جقم ، بالآخرہ بو خصوصہ کی تقریرلری عرض

ایلمہ جکم . مذاکرہ نك کفایتنی قبول ایلدنلر لطفاً ال

قالدیرسون ! قبول ایتمینلر لطفاً ال قالدیرسون ! مذاکرہ

کافی کورولمشدر .

ریاست جلیلیہ

کاظم قرہ بکر پاشا ، کرسیدن شیمدی واقع اولان

بیاناتندہ عصیانہ دائر اساسلی ودرین معلوماتہ واقف اولدیغنی

بومسئله لری دیوان حرب عرفیله ویریکز ، بوشیلری اونلزه ویریکز دها آئی اولور . مقصدم بوایدی . رجا ایدرم سوء تلقی به میدان ویرلمه سون .

رئیس — تقریر بر جادر . بو موضوعه تعلق ایتمز (رأیه قونماز سسلری) . عثمان نوری بکک تقریری بر کره دقتله او قونسون (بروسه مبعونی عثمان نوری بکک تقریری تکرار او قوندی) .

مدافعه ملیه و کیلی رجب بک (کوتاهییه) — افندم! بوقانونک استهداف ایندیکی صلاحیت بوماده نك باشنده یازلدیغی اوزره در . عثمان نوری بک برادر من ذهول ایتمشیر . (بالفعل) قیدی قویمشیر ، ذاتاً ماده ، مسلحاً عصیانک ، حتی مجتمعاً ظهوری قیدیه معتبردر . یا خود حرب وقوعنده او طرفده اداره عرفیه اعلان اولنورسه او شرطله مقیددر . شمدی بر (بالفعل) قویسورلر . معلوم عالیکز عصیان مسلح و مجتمع اولدقن و مجتمع اولسی قیدیه تقید ایدلکن صکره برده بوکا فعلیت اضافه ایتمنک معناسی ندر . بنده کز بونی آکلامیورم . بوکی عصیان مسلحاً و مجتمعاً اولورسه فعلاً اولور . بونک ایچون شو اولورکه مسلح و مجتمع عصیانک حرب منطقه سنده هر هانکی قانونه توافق ایا . جک برشکلده اعاشه سنی کوتوره نلر ، جاسوسلق ایدنلر ، مکتوبنی کوتورهن ، کتیره نلر دخی عینی جزایه طبیعی صورتده دوچار اولور . بناء علیه ماده نك باشنده (مسلحاً و مجتمعاً عصیان وقوعنده) قیدی کافیدر . بویله بر شیده لزوم یوقدر . ماده نك عیناً قبولنی تکلیف ایدرم .

رئیس — تقریری رأیه قویه جیم . ایضاحات ویره جک میسکز افندم؟ عثمان نوری بکک تقریرنی نظر دقته آلانلر لطفاً ال قالدیرسون! نظر دقته آلمایانلر ال قالدیرسون! نظر دقته آلماشدر . ماده عیناً او قونه جقدر: حرب وعصیان ساحه لرنده کی اداره عرفیه منطقه لرنده متشکل عموم دیوان حربلر دن ویریله جک اعدام قرارلرینک

صورت اجراسنه دائر قانون

ماده ۱ — حال حربده یا خود مسلحاً و مجتمعاً عصیان

مختار بک (دوامله) — چکنارده ده اردو بزم ذهنیتده در ، دیمشدی .

کاظم قره بکر پاشا (دوامله) — بنم دینسکی معروضاتم حکمت حکومت ایجابی ، وقایح طبیعی کرک حکومت مأمورلری و کرک عسکری عناصر واسطه سیله زماننده خبر آیر و زماننده تدبیر یاپار . ده اوزاغی کورر و دفعه بر تکلیف کتیرر . هر کون بویله «بو تکلیف کافی کله یوز» دیه پارچه پارچه موضوعلره کله مسنی تمی ایتدم . ایشته اصل بنده کزک معروضاتمه بو کوریله بیلور . یودردیکی دکلدر و بونک یکی اولمادیغنی هر کس بیلیر . بنده کزک شرق جهه سنده اون سنه ک حیاتم کچمشدر . رجب بک افندینک داخلیه و کیلی اولدیغنی زمان بنده کزی لطفاً زیارته کلدکلزی وقت دخی بونلری عرض ایتمه دمی؟

مدافعه ملیه و کیلی رجب بک — اومت ، مقابل معروضاتمه بولندم .

کاظم قره بکر پاشا (دوامله) — مساعده بویورک افندم! قیمتلی راپورلر وارددر ، طوپلاییکز دیدیم و کندیلری ده مع الاسف برشی یوقدر دیدیلر و داخلیه و کیلنک اک مهم وظیفه سی ؛ بو کون وطنک حیاتیه علاقه دار شرق ولایتلریله مشغول اولمسیدر دیدم و آمان قیمتلی راپورلر وارددر . بونلری تدقیق ایدک ، انکلیرجه ، روسجه او قدر اثرلر یازلشدرکه ؛ بونلر شایان حیرتدرکه ترجمه دخی ایدلمه مشدر . کال صمیمیتله بر دانه سنی کوستردم . آلیکز بونلری ترجمه ایتدیریکز دیدم . بوراده کی صمیمی بیاناتمه بودر . یوقسه حکومت سنبیت ویردی ، دکلدر . نصل اولورکه ؛ بو کون چرینان حکومت اوراده بر طاقم ادانی به قالدک برشیلر یاییک ، دیسون . بونصل اولور ؛ اونک ایچون یا ککش تلقی ایدلمسون . بنم سویله مک ایسته دیکم ، دائماً تکرار ایدرم که ؛ یاییله جق شیئی ده اول کورمک و ده اول تکلیف ایدیلوب طوبدن چیقارمقدر . یوقسه استقلال محکمه سنی مذاکره ایتدیکمز زمانده رجام عینی ایدی . استقلال محکمه سی کافیدر ؛ او منطقه اداره عرفیه اعلان ایدیورسکز ،

آنقره ارطغرل صاروخان ارضروم
 علی فؤاد خلیل عابدین ضیاءالدین
 ارضروم ارضروم اسکیشهر
 منرخسرو رائف عارف

رئیس — افندم! بوندن اول دیوان کاتبلیکی ایچون
 رأی ویرمهین وارسه لطفاً اورایهده رأی ویرسون .
 دیوان کاتبلیکی ایچون آرانک استحصالی ختام بولمشدر .
 [حق شناسی پاشا (استانبول) ، محمود بك (سغزده) ،
 علی فؤاد پاشا (آنقره) دیوان ریاست کاتبلیکنه عائد
 آرای تصنیفه مأمور ایدلدیلر .]

افندم! مذاکره سی ختام بولان قانونی تعیین اسامی
 ایله رأیه قویه جقم . قبول ایدنلر بیاض ، قبول ایتمهینلر
 قیرمزی رأی بوصله سی ویره جکلردر . (اسکیشهر دائره
 انتخابیه سندن رأی استحصالنه باشلامشدر) افندم! استحصال
 آراختام بولمشدر .

افندم! دیوان ریاست کاتبلیکی ایچون یاسیلان انتخابک
 نتیجه سنی عرض ایدیوروز . (۱۵۸) ذات رأیه اشتراک ایتمشدر .
 (۱۱۰) رأی کاظم بك کیره سون ، (۱۵) رأی جاوید بك
 (دیاربکر) ، (۲۲) شوکت بك قرقلرایلی ، (۱) علی شعوری
 بك قره سی ، (۲) محمود اسعد بك (ازمیر) ، (۱) رجب زهدی
 بك (سینوب) ، (۱) سایمان سری بك (بوزواق) (۱)
 نجاتی بك بروسه ، (۱) محمود ندیم بك (ملاطیه) آلمشدر .
 (۳) دانه ده مستنکف وازدر . 'بناء علیه (۱۱۰) رأی ایله
 کاظم بك کیره سون دیوان ریاست کتابتنه انتخاب اولونمشدر .
 ده مین تعیین اسامی ایله رأیه قویدیغمز قانونک نتیجه
 آراسی : (۱۴۵) ذات رأیه اشتراک ایتمش ، معامله تمام .
 (۱۲۳) قبول ، (۲۰) رد ، (۲) کیشی ده اسمنی یازمه مشدر .
 بناء علیه قانون (۱۲۳) رأی ایله قبول ایدلمشدر .

افندم! یارین اوکله دن صکره ساعت بزچقمده اجتماع
 ایتمک اوزره جلسه بی تعطیل ایدیورم .

ختام مذاکرات
 دقیقه ساعت

وقوعنده ساحه حرکات وعصیانده کی اداره عرفیه منطقه .
 لرنده متشکل بالمعوم دیوان حریردن صادر اولان اغدام
 قرارلری اردو ویا قول اردو ویا خود مستقل فرقه ویا
 موقع مستحکم قوماندانلری طرفندن بعدالتصدیق در حال
 انفاذ اولتور .

رئیس — افندم ! ماده بی عیناً رأیه عرض ایدیورم .
 قبول ایدنلر لطفاً ال قالدیرسون ! قبول ایتمهینلر لطفاً
 ال قالدیرسون ! عیناً قبول ایدلمشدر .

ماده ۲ — اشبو قانون تاریخ نشرندن معتبردر

رئیس — ایکنجی ماده بی رأیکزه عرض ایدیورم .
 قبول ایدنلر ال قالدیرسون ! قبول ایتمهینلر لطفاً ال
 قالدیرسون ! عیناً قبول ایدلمشدر .

ماده ۳ — اشبو قانونک اجرانشه مدافعه ملیه وکیلی
 مأموردر .

رئیس — افندم ! اوچنجی ماده بی عیناً قبول ایدنلر
 لطفاً ال قالدیرسون ! قبول ایتمهینلر لطفاً ال قالدیرسون !
 قبول ایدلمشدر . قانونک هیئت عمومیه سنک تعیین
 اسامی ایله رأیه وضعی حقنده اون بش امضالی بر تقرر
 وازدر . افندم تقرر اون طقوز امضالی ایتمش ، او قونه جقدر
 (یکرجی بش امضالی سسلری) .

رفیق بك (قونیه) — اسملراوقونسون .

ریاست جلیلهیه

قانونک هیئت عمومیه سنک تعیین اسامی ایله رأیه
 وضعی تکلیف ایلرز .

قارص	بروسه	ارضروم	ادرنه
عمر لطفی	نجاتی	رشدی	جعفر طیار
درسم	اردو	بروسه	ایز میت
فریدون فکری	فائق	عثمان نوری	مصطفی
قره سی	قره سی	بروسه	مرسین
خلوصی	محمد وهبی	نورالدین	بسیم
استانبول	ارغنی	ارزنجان	سیواس
کاظم قره بکر	احسان	نابت	خالص طور غود

حرب وعصيان ساحه لرنده کي اداره عرفيه منطقه لرنده متشکل عموم ديوان حرب لردن ويري له جک اعدام قرار لرينک
حضورت اجراسنه دائر قانون حقنده کي نتيجہ آرا

رایہ اشتراك ايدنلر : ۱۴۵

قبول ايدنلر : ۱۲۳

رد ايدنلر : ۲۰

مستکيفلر :


اسمسز بياض ویرنلر : ۲

قبول ايدنلر

آرتوين	: حلمي بك	رزہ	: اکرم بك ، علي بك ، رؤف بك
آطنه	: ضمير بك ، كال بك	زونبولداق	: طونه لي حلمي بك
آق سراي	: بسيم آتالاي بك ، نشت بك	سمرد	: خليل خالق افندي ، محمود بك
آنطاليه	: احمد ساق بك ، حسن صدق بك ، راسخ افندي	سينوب	: يوسف كاله بك ، رجب زهدى بك
آنقره	: احسان بك ، شاكر بك	سيواس	: راسم بك
آيدين	: دوكتور مظهر بك ، رشيد غالب بك ، مدحت بك	سيوه رك	: قدرى احمد بك ، محمود بك
اردو	: حمدى بك	صاروخان	: محمد صبرى بك ، واصف بك
ارطغرل	: احمد عفت بك	طر بزون	: سليمان سرى افندي
ازمير	: دوكتور توفيق رشدى بك ، عثمان زاده حمدى بك ، محمود اسمد بك ، محمود جلال بك ، مصطفى رحى بك ، مصطفى نجائى بك ، منير بك ، كامل بك	غازى عيتاب	: حافظ شاهين افندي ، على جنائى بك ، قلمنج على بك
اسپارطه	: مكرم بك	قارص	: آغا اوغلى احمد بك
استانبول	: آقچوره اوغلى يوسف بك ، احمد مختار بك ، حمد الله صبيحى بك ، حمدى بك ، سليمان سرى بك ، على رضا بك ، حق شناسى پاشا	قرقلرايلى	: دوكتور فؤاد بك
اسكيشهر	: امين بك	قره حصار شرقى	: على سرورى بك ، محمد امين بك
العزيز	: حسين بك ، نجى الدين بك ، مصطفى بك ، سليمان بك ،	قره حصار صاحب	: روشن اشرف بك ، عزت علوى بك ، على بك ، عثمان نيازى بك ، محمد جاويد بك
اورفه	: رؤفت بك	قره منى	: احمد ماهر افندي ، على رضا بك ، محمد فؤاد بك
اريج ايل	: حافظ امين افندي ، دوكتور توفيق بك	قسطنونى	: احمد ماهر افندي ، على رضا بك ، محمد فؤاد بك
بايزيد	: شفيق بك	قوجه ايلي	: ابراهيم بك ، ابراهيم تريباك ، صفوت بك
بتليس	: محى الدين نامى بك	قونيه	: ايوب صبرى افندي ، توفيق فكرت بك ، حاجى بكر افندي ، رفيق بك ، فؤاد بك
بروسه	: مصطفى فهمى افندي	قيرشهر	: على رضا بك
بور دور	: حسين باقى بك	قيصرى	: احمد حلمي بك ، ثابت بك
بوزاق	: احمد حمدى بك ، سليمان سرى بك ، صالح بك	كليبولى	: جلال نورى بك
بولى	: جواد عباس بك ، دوكتور امين جمال بك ، شكرى بك ، فالح رفقى بك	كنغرى	: رؤفت بك ، ضيا بك ، طلعت بك
بيغا	: شكرى بك ، محمد بك	كوتاهيه	: جودت بك ، راغب بك ، رجب بك
تكفور طانجى	: جيل بك	كيره سون	: ظاهر بك ، كاظم بك
جيل بركت	: احسان بك ، عونى بك	ماردن	: يعقوب قدرى بك
چوروم	: اسماعيل كال بك ، دوكتور مصطفى بك ، عصمت بك	مرعش	: مدحت بك
حكارى	: آصف بك	ملاطيه	: حاجى بدر آغا ، دوكتور حامى بك ، رشيد آغا ، محمود نديم بك
دكزلى	: دوكتور كاظم بك ، نجيب على بك	منتقا	: شكرى قايا بك
ديار بكر	: زلفى بك	موش	: الياس سامى بك
		نينده	: خالد بك ، عطا بك
		وان	: حقى بك ، منيب بك
			: ايكي رآيده اسمسزدر

ردايد نالي

ادرنه	: جعفر طيار پاشا	درس	: فريدون فكري بك
اردو	: فائق بك	سيواس	: خالص طوغود بك
ارضروم	: جازم افندي، رشدي پاشا، منير خسرو بك	صاروخان	: تابدن بك
ارغني	: احسان بك	طرزون	: احمد مختار بك، رحيم بك
استانبول	: كاظم قره بگر پاشا	قسطنطيني	: خالد بك
اسكيشهر	: عارف بك	قوجا ايلي	: احمد شكري بك، مصطفي بك
بروسه	: عثمان نوري بك، نجاتي بك، نورالدين پاشا	مرسين	: بسم بك



تصحيح حلقر

صفحه	ستون	سطر	ياكاش	ذوغرو
۳۲۱	۱	۲۵	هنوان مياش لرنده	هنوان و مياش لرنده
۳۲۲	۱	۱۱	۲۳۶	۲۶۳
۳۲۴	۲	۳۲	بويله تاريخي براسم	بويله براسم
۳	۳	۳۳	برمؤسسسه در .	برمؤسسسه دكل در .
۳۲۵	۲	۱۹	خطاط مكنتي مياش و مصرفي	خطاط مكنتي معلمين و مستخدمين اجورات مقطوعه سي
۳۴۰	۲	۳۱	يوز اللى بيك	يوز يتمش بش بيك
۳	۳	۳۲	۲۷۵ بيك	۲۲۵ بيك
۳۴۰ و ۳۴۱	۱ و ۲	۱ و ۳۳	اللى بيك «كاتب عدل فضلته سي (۸۷۵) بيك»	طى ايدمالي در .
۳۴۱	۱		اسكي بيكون ۱۳ نجي فصلك عنواني (اختراع براني) در .	

